



廬山紀事卷六

廣陵桑喬士子木庵題

山南自五老峰南行至宮亭湖

含鄱口東北為五老峰

山疏五老峰在南康府北自府治北望森然如旆

幕以蔽其後第二峰下有兩洞

潯陽記橫隱蒼空迥壓彭蠡其形勢如河中虞鄉縣

前五老山

商丘漫語自下望之勢如倚立自上觀之相距甚遠

不聯屬也巉峭壁立數百仞軒軒然如人箕踞而

窺重湖又如五雲翩然欲飛湖山煙水微茫映帶東



廬山紀事卷六
南州郡數百千里軒豁呈露可拍顧而盡
李太白予行天下所游覽山水甚富俊偉詭特鮮有
能過之者真天下之壯觀也
朱文公遊廬阜五老峰諸山題志晦翁與程正思丁
復之黃直卿俱來覽觀江山之勝樂之忘歸肯淳熙
己亥重午日翁子在甥魏恪侍行

李太白五老峰詩廬山東南五老峰青天削出金芙蓉
九江秀色可攬結吾將此地巢雲松

江夏郭太史明龍五老峰詩湖中五老峰去天不盈
尺澗底白雲生五老頭俱白

吳筠廬山五老峰詩彭蠡隱深翠滄波照芙蓉日初

金光滿景落黛色濃雲外聽猿鳥煙中見杉松自然
符幽情瀟洒愜所從整策務探討嬉遊任從容玉膏
正滴瀝瑤草多丰茸羽人栖層崖道合乃一逢揮手
欲輕舉為余扣瓊鐘空香清人心正氣信有宗永用
謝物累吾將乘鸞龍
明參議孫應鰲五老峰詩五老重相見真如遇所親
獨看青眼在共作白頭新

同知陳守義泊舟鄱湖望五老峰詩湖上風清寄
航雲巢松壑來客狂嘯倚乾坤招五老閒看鷗鷺汎
流光高卧不見黔婁子曠懷且進崑崙觴山月欲沉
鳥語下舟人喚起夜未央

五老峰下有李太白書堂

圖經太白情尚卓逸不為時羈仕既不得志益肆意山水間見五老峰而竒之遂卜築焉他日將歸中原猶戀戀不忍去指山而矢之曰期君再會不敢寒盟丹崖翠壑尚其鑒之

太白年譜天寶十四載乙未安祿山反明年明皇在蜀詔永王璘節度東南璘舉兵反白時卧廬山璘脅致之已而璘軍敗丹陽白奔亡至宿松山坐繫潯陽獄宣慰大使崔渙御史中丞宋若思驗治白以為罪薄宜貸宋表薦云前翰林供奉李白年五十有七為璘脅行中道奔走即已陳首經渙及臣推覆審實無

辜白有經濟之才請拜京官獻可替否以先朝列不報乾元二年己亥猶以璘事長流夜郎半道承恩放還

揚衡隱居

唐詩紀事揚衡者元和中詩人嘗居廬山人有竊衡詩而登第者其後衡及第見其人怒曰一鶴聲飛上天之句尚在耶其人遜謝曰此句知兄甚惜不敢竊之衡莞爾曰猶可恕也隱居今不知處

符載隱居

山疏符載者蜀人也與揚衡並善為詩偕隱五老峰下隱居今不知處

晁氏曰符載字厚之岐襄人幼有宏達之志隱居廬山聚書萬卷不為章句學貞元中李巽觀察江西薦其才授奉禮郎為南昌軍副使繼辟西川韋臯掌書記澤潞郿上美參謀歷協律郎監察御史元和中卒段文昌為墓志其集皆雜文末篇有數詩而已集前有崔群王湘送符處士歸覲序皆云載蜀人以地司馬王揚云符濟善元和中符入晉武靈山人自蘇濟崔群送符載還蜀省覲序旄頭光明垂三十載不習俎豆化為侯王者有八九焉隱逸憔悴羔雁不行蒼山沈沈側陋不顯建中初有峨嶠客符君發六籍掉三湘深入匡廬絕迹半紀學窺顏子之門闕文紹陳

君之骨鯁逸慕嚴光之垂釣志效管寧之不欺結廬熙熙人不知其然也頃予奉命江西三年往復彭蠡未嘗不詠湖月漱天倪造符君雲扃宿五老峰下動更晦朔不理還擢偶丹青至人白鶴羽客塞靈芝躡天壇相顧永息乎蓬瀛豈復又縈於塵網覩君超澹愴興舊遊雖笑語飲食如常終忽忽若居大夢君家在岷蜀展愛高堂將聖賢典籍克人子幣帛斯所以激衰俗扇清風方伯地君不以厚禮遲吾子予未之信秋九月楚人歌採蘭以送之題是山曰古對之唐詩紀事載字載之有奇才始與楊衡宋濟習業青城山衡擢第濟老死無成唯載以王霸自許耻於常

調韋臯鎮蜀辟為支使雖被知遇然尚偃蹇臯嘗於二十四化設醮請撰齋詞載時飲摩訶池離席盥漱命小吏十二人捧視人分兩題緩步池上口占授之其敏速如此時劉闢為金吾倉曹參軍載贊其真曰矯矯化初氣傑文雄靈螭出水秋鷲乘風行義則固輔仁乃通他年良覲麟閣之中及臯卒闢摠留務載亦在幕中闢敗載素服請罪高崇文以贊有行義輔仁之語禮而釋之闢長齋主人白謝師答奉靈文報

柳宗元上江陵趙宗儒啟伏聞以武都符載為記室天下之士雜然相顧繼以歎息夫以符君之藝術志氣為時聞人才位未會盤桓固於中間因緣陷在危邦與時偃仰不廢其道而為見息嫉者橫致辱吻房給事以高節特立明之於朝王吏部以清議自任辨正之於外然猶小人浮議因在交戟凡諸侯之欲得符君者城聯壤接而惑於騰沸環視相讓莫敢先舉及受署之日則皆開口垂臂悵望悼悔譬之求珠於海而徑寸先得則衆皆快然罷去知奇寶之有所歸也雲溪友議于頔鎮襄陽載致書乞買山錢頔與之錢百萬畝不異且出山重重

有釋道之室曰大明觀吉祥寺頭陀寺芝山寺千平林唐姚保五老峰大明觀贈隱者詩雲觀此山北與君携手稀林端涉橫水洞口入斜暉乍見鸞鶴邈忽為

煙霧飛故人清和客嘿會琴心微丹術幸可授青龍
當未歸悠悠平生意此日復相違雲歸此山北與
揚衡宿吉祥寺寄隱者詩風鳴雲外鐘鶴宿千年松
相思杳不見月出山重重

李涉再遊頭陀寺詩無因慙泊魯陽戈白髮兼愁日
日多只恐雪晴花便盡數來山寺亦無他已止寺觀
並廢之日限世開口垂替却望朝陽會之末粒次

五老峰前有峰嵯峨是為獅子峰

舊志獅子峰在五老峰南亦謂之獅子崖
星壑崖在獅子峰前崖有洞可通人行自下望之如

臺星俗謂之橋崖

南康志竹林院在獅子崖下相傳即有影無形聖僧
隱焉者也

獅子峰前有石如印為金印峰其下有李庭筠書堂

南康志金印峰去縣北三十里舊志在五老峰下山
疏今無復有知此峰者

李庭筠不知何許人舊志庭筠嘗舉進士仕為四門
博士書堂雙石出雲飛瀑在下亦佳境也今廢

舊志五代李徵古復即書堂遺趾讀書舉進士仕南
唐為樞密副使出判洪州復過書堂召賓客置酒樂

飲作記勒石乃去後亦燬山疏徵古事具通鑑綱目

獅子峰南下為播竿峰凌雲峰

舊志播竿峰在折桂寺後其下有水曰播竿源

山疏播竿峰二石也高丈許亭亭立如播竿其上有大磐

石可坐數十人有泉出於石下逕播竿峰下流過折

桂寺名播竿源

舊志凌雲峰上隱碧空下吞湖江其下有白龜池白

龜潭志金明志去湖亦三十里

山疏凌雲峰舊志凡再書今人無復知者依志具載

或曰即白龜山

凌雲峰下有折桂寺李逢吉書堂遺趾也寺後有讀書

臺

舊志李逢吉書堂在凌雲峰下黃雲觀東新志逢吉嘗讀書於此已而舉進士故寺名折桂
梅溪集有僧年八十一言廬山諸寺惟折桂楞伽不被焚燬

山疏書堂為寺事亦久遠然新舊二志俱不詳其沿革逢吉事具唐書本傳

石劉晦翁通叟送張襄陽至此痛飲而別又嘉定戊

寅七夕前一日長樂黃喻潘相循江湖泳雲門高九

萬莆田陳安方信孺方子槐方長孺臨川缺鹿卿南

昌宋恭信孺子左鉞來遊又元統乙亥三月邑令番

缺李采能警曹筠姚肯堂同遊黃雲之觀又嘉靖九

年九月廿九日閩劉世揚題識同遊郡博張金龔綽
庠生余士驥戴拱
折桂之上有黃雲觀

山疏黃雲觀在獅子峰麓大石崖下今廢

朱文公折桂院行記始予至折桂院之西軒愛其江
山之勝道人雲公為予言此未足觀少上當益奇因
導予行深竹中缺缺大阜背負五老面直江湖東
西數百里雲山煙水渺茫縈帶奇絕不可名狀乃規
作亭其處取李翰林廬山謠中語命以為黃雲觀會
雲公去不果為今年春乃克為之未訖工而余代去
閏月晦日與清江劉子澄長樂林擇之開封趙子明

溫陵許景陽建安王春卿長樂余占之陳彥忠臨淮
張致遠長樂黃直卿俱來因記其事雲公諸王孫弃
官學浮圖法今客大洪山云淳熙八年辛丑歲朱熹

仲晦父題

折桂之水東南流出白鹿洞

團山硃砂峰行龜峰石船峰木瓜岩凌霄峰凌霄
岩凌霄院

獅子峰西南為團山山東有雙雞峰滴水岩

山疏團山澗在團山東澗東有石如龜澗西有二石
如雞勢且豕龜名雙雞峰

滴水岩在團山澗西崖首穹窿如岩有泉百餘滴點

滴而下不絕如雨狀陰則勤晴則緩
團山澗水西南流出太平寺

團山之西南為硃砂峰又西南為行龜峰

山疏硃砂峰相傳其下舊出硃砂或曰峰有赤石如

硃砂云王十朋張孝祥俱有詩

黃石港之水循硃砂峰背西南流與諸水會

團山東南稍下有石船峰

山疏石船峰其兩舷皆裂墜人曰雷擊之也然二志俱不載

石船峰西南為木瓜崖

山疏木瓜崖即道士劉混成入山種木瓜為食處也

崖有穴如室可居故亦名木瓜岩

木瓜岩南下為凌霄峰凌霄岩

舊志凌霄峰巉巖萬狀上插層霄上有咏真洞蔡尊

真李騰空常飛符煉丹於此

真僊通鑑咏真洞在九疊屏南五老峰東

山疏今疊屏南五老峰東有二尖峰然人不謂之凌

霄今所謂凌霄乃在五老峰西然勢卑不稱其名不

知何也

其下有凌霄院

南康志凌霄院又名明真院去府西北二十五里唐

僧道乙建

凌霄峰水其一西行與犀牛塘水會其一西行出太平寺與太平澗會其一西南行出白鶴觀

犀牛塘青牛谷

凌霄岩西南有犀牛塘

山疏犀牛塘有上下兩塘其水西南流逕白鶴觀背

東會折桂之水出白鹿洞

犀牛塘北為青牛谷

一統志青牛谷在五老峰下

舊志在凌霄峰下道士洪志乘青牛得道處也谷內

有淨妙院谷南有雲臺菴並廢南康志宋道士洪志

通經史善布算遇異人授六甲蕩魔法疾之術隱居

廬山常乘青牛故稱

山疏青牛谷在犀牛塘北唐時已有此名疑不始於

洪志云

唐楊衡詩隨雲步入青牛谷青牛道士留我宿可憐

夜靜月明中惟有壇邊一枝竹

明曾棨詩鷄鳴函谷海天曙紫氣東來度關去青牛

遺迹今尚存乃在匡廬最深處遙知種玉罷耕鋤萬

里遠駕僊人車關門令尹今安在五千道德今何如

谷口年年春草碧草上空餘舊行迹怪底猶疑鰈鯨

眠一片寒雲墮青壁

谷有鄭元素隱居

山疏鄭元素者温韜之甥也朱梁時韜盜發昭陵石函鐵匣中所得前代圖書及二王真蹟甚富其後韜殛死元素盡得其圖書真蹟避禍南徙隱居廬山青牛谷四十餘年所積書千餘卷卒隱居今廢

太平寺白鶴觀

凌霄岩西南有太平寺

南康志太平寺亦名卧龍菴在團山南宋僧高峰建正統中僧行全脩

山疏虎石在太平寺前

舊志白石臺在太平寺西今不存白石臺菴今廢

太平澗水團山澗水西南流逕行龜峰與桃林諸水合

太平寺東南其地曰王楊坂

山疏王楊二姓所居若朱陳村然或謂之黃楊坂

王楊坂水逕金鐘堰芋頭壠入神林湖

有道子室曰白鶴觀

山疏白鶴觀者唐道士劉混成之居也事具虞集記中觀有混成煉丹井搗藥臼觀北卽犀牛塘

陳舜俞廬山記廬山峰巒之奇秀岩穴之深邃林泉之美茂為江南第一此觀復為廬山第一

元虞集白鶴觀記白鶴觀者唐開元道士劉混成故居有丹井藥臼及手種杉猶存杉本大徑丈餘然歲久中空上折孫枝附生其間亦數十圍矣東坡先生

嘗獨遊聞碁聲於古松流水間此其處也初唐高宗以老子降詔天下皆建白鶴觀九江之觀在德化之白鶴鄉景隆中又詔天下建景隆觀又建隆興觀郡卽白鶴易名以應詔復遷今觀於山陽宋太中祥符中改名承天觀然後人仍名之曰白鶴舊名古栢壇者也後分九江置南康故今隸南康云劉混成者名玄和其先彭城人後遷都昌五穆里劉氏其族也居白鶴久之留其弟子何子玉守舍自入五峰石室種木瓜爲食煉丹成年八十六別其弟子范僊舟而逝舉棺將窆空無有矣人或從之祈禱往往有奇應者予行山中見山中奇勝思古之所謂弘衍博大真人者庶或見之然而遊涉日淺塵累積深莫得承風於萬一乃徒見古人隱者與縉紳先生之遺跡於木石間千古之慨豈獨其私哉

唐包佶贈廬山白鶴觀劉尊師詩蒼蒼五老霧中壇杳杳三山洞裏官手護崑崙象牙簡心推霹靂棗枝盤春從雪粉加毫潤晚救瓊漿冰齒寒慚恨流年筋力少欲辭露冕事星冠

韋應物寄黃劉二尊師詩廬山兩道士各在一峰居

矯掌白雲表晞髮陽和初清夜降真侶焚香滿空虛

一作廬中有無爲藥自然與世疎道尊不可屈符守豈

暇餘高齋遙致敬願示一編書

廬山紀事卷六
宋蘇軾白鶴觀詩並序司空表聖自論其詩得味外
味碁聲花院靜幡影石幢高之句為尤善余嘗獨遊
五老峰白鶴觀松陰滿地不見一人惟聞碁聲然後
知此句之工又曰余素不解碁因遊廬山白鶴觀觀
中人皆闔門晝寢獨聞碁聲於古松流水之間意欣
然喜之自爾欲學終不解也兒子過乃麤能之僂守
張允中日從之戲余亦偶坐竟日不為厭也詩曰五
老峰前白鶴遺趾長松蔭庭風日清美我時獨遊不
逢一士誰歟棋者戶外履二不聞人聲時聞落子紋
枰對坐誰究此理空鉤意釣豈在魴鯉小兒近通剝
啄信指勝固欣然敗亦可喜優哉游哉聊復爾耳

元虞集白鶴觀詩白鶴山人如鶴白自抱山樽留過
客要看修竹萬琅玕更對名花青雪色山樽本出山
下泉過客醉去山人眠客亦是鶴君莫笑重來更待
三千年三月一日清城山道士虞集伯生同臨川江
朝宗鄱陽柴景實潁川陳昇可彭城張允道遊白鶴
笑鶴翁見客至欣然自携一樽與客至竹下看牡丹
花曰今日獨開一朵當是為客發也故為賦此
白鶴之水東南行與折桂之水會

李家山羅漢嶺

白鶴觀東南為白鹿洞

山疏白鹿洞書院事具後七卷中

白鹿洞東北為李家山

山疏李家山者李公擇之居也今不知其址所在

寒泉亭在李家山麓官道傍

白鹿洞南數里為羅漢嶺

山疏羅漢嶺去府城十里所

羅漢寺創於宋廣濟堅禪師紀遊集廣濟以道行得

遇真廟寺成章聖皇后夢十八應真乞歸廬山已而

高麗來貢佛及羅漢金像詔就寺安置因賜額并藏

經土田瑪瑙琴象皮鼓陳舜俞廬山記誰剗千年不

死之枯桐冒以三犧欲牲之雙草

寺後有觀音塔觀音泉

烏龜石在寺前橋下南康志石龜尾日出監四兩以

給寺僧炊人少之夜鑿其口而廣之監遂不出

羅漢之僧曰系南禪師行林禪師

有鄭元素書堂

山疏書堂在羅漢寺東南廢雲臺菴其遺址也

其水曰雲臺源

朱家山顏家山向家山

白鶴觀西為朱家山

南康志朱家山在府北十里宋朱弼之居也山疏在

棲賢橋東

朱家山水出王楊坂

朱家山東南為顏家山其上有馮孝女墓

南康新志顏家山在府北五里相傳顏魯公嘗居之

舊志與玉京山接其下有顏家橋

舊志孝女名素貞嘗割股以療父病郡守陸德輿大

書以表其墓

顏家山側為向家山

南康志向家山在縣西北五里林巒深秀南與府治

連宋縣令向沈嘗遊

南康府

向家山東南濱湖為南康府

山疏南康府後倚峻山前距重湖號稱險固然山麓

也雖郡城中亦多磴道坡陀參差車馬馳驟之途罕
矣

王禕六老堂記五老之支散為群岡蜿蜒南行距彭
蠡而止中一岡獨稍後南康郡治在焉

陳篆南康軍治記民淳事簡號江東道院

宋史陳瓘字瑩中號了齋閩之南劍人也剛正敢言
建中靖國初為右正言權給事中以事出知泰州徙
合浦歸四明又徙通州特勒停送台州羈管宣和中
始得以管勾太平宮去寓南康山疏陳了翁往來廬
山南北吟諷自適嘗有墨帖與隨緣居士黃榮晉陵
尤褒得之朱晦翁為勒石白鹿洞其後了翁以宣和

四年卒於楚州今祀白鹿洞

南康志王禕蚤事太祖洪武丙午七月除南康府同

知特賜金帶在任有善政多所建明後召還傳信錄

學士王文忠公禕字子充義烏人文章宏麗沈雄自

成一家初太祖帥師征江西公撰平江西頌以獻上

覽而喜曰吾固知浙東有二儒卿與宋濂耳學問之

博卿不如濂才思之雄濂不如卿除待禮即禮制多

所裁定除起居注詔修元史以禕及宋濂同為總裁

一日在史局渴甚謂宋公曰得如昨日上所賜梨漿

吾渴濟矣中官竊聞之遂言于上即命齎賜之洪

武五年以雲南梁王拒險弗賓詔公招諭為所執不

屈死所著有華川集續東華大事記

郡有玄妙觀谷巖洞

南康志玄妙觀在府治西初宋祥符間荆天慶觀於

谷岩洞元改今名洪武中道士周汝鎮重建觀有道

紀司

谷岩洞在玄妙觀內舊志兩山相翼重岡復嶺並澗

而行宛若洞府

冰玉澗

郡城之東為冰玉澗其上有劉凝之隱居

山疏隱居今廢凝之事具清淨退菴類中凝之子恕

格恕子義仲和仲

宋史恕字道原幼穎悟一日輒成誦八歲時客有言孔子無兄弟者卽應聲曰以其兄之子妻之座客大驚異未冠舉進士詔能講經義者別奏名應詔者纔數十人恕以禮記春秋對凡二十問皆先列注疏及諸儒異說後決以己意擢第一他文亦高等而廷試不中更下國子試講經復第一賜第調鉅鹿主簿和川令恕爲人重義氣忿然諾精史學自太史公所記下逮顯德事無鉅微貫穿融液如指諸掌司馬光修資治通鑑薦恕爲局僚凡史事勢冗難析理者悉委恕魏晉以後所考論尤精核王安石欲引寘三司條例辭以親老求監南康軍酒稅就養許卽官修書後

至西京與司馬光居數月歸道病風攣手足廢然猶時時修書頃之卒年四十七恕之學自律數地理宦職族姓至前代公府案牘皆取以審證其求書不遠百里往就讀且錄之忘寢食著五代十國紀年以擬十六國春秋又採太古以來至周威烈時事左氏傳史記所不載者爲通鑑外紀

張文潛冰玉堂記道原廉介剛直仕必欲達其道不以一毫挫於人方其激於義而作雖足蹈坎井手攬虎兕視之若無卽古烈士或愧焉平居自負經濟大略其爲吏嚴簿書束胥吏撫鰥寡繩豪猾纖悉曲當皆可爲後法其學自書契以來至于今國家治亂君

臣世系廣至於郡國山川之名物詳至於歲月日時
之後先問焉必知考焉必信有疑焉必決其言滔滔
汨汨如道其里閭室堂事其著書有疑年譜年略譜
通鑑外紀十國紀年惟十國紀年先成世傳之以比
遷固歆向公亦自以為不愧云

捫蝨新話劉道原能自攻其過云平生二十失佻易
辨急遇事輒發狷介剛直忿不思難說古非今不達
時變疑滯少斷勞而無功妄自標致擬倫勝已疾惡
太甚不恤怨怒事上方簡遇下苛察直語自信不遠
嫌疑執守小節堅確不移求備於人不恤咎怨多言
不中節高談無畔岬臧否品藻不揜人過惡立事不

隨衆好更革應事不揣已度德過望無紀交淺言深
戲謔不知止任事不避禍議論多譏刺論事無機械
行止無規矩人不忤已而隨衆毀譽事非大害而憂
患太過以君子行義責望小人又十八蔽言大而智
小好謀而踈濶劇談而不辨慎密而漏言尚風義而
齷齪樂善而不能行與人和而好異議不畏強禦而
無勇不貪權利而好躁進儉嗇而徒費欲速而逢鈍
識闇而強料事非法家而深刻樂放縱而拘小禮樂
易而多憂畏動而惡靜多思而處事乖忤多疑而數
為人所欺

事文類聚劉秘丞家極貧一芥不妄取自洛陽歸時

方冬無禦寒具温公以一二衣襪及貂褥贐不受強之乃受至潁川悉封還

十國紀年序劉道原不信浮屠說以為如人居逆旅一物不可乏去則盡棄之豈得齋以自隨哉

舊志道原先凝之數年卒葬凝之墓側後其子義仲遷其墓於德化

冰玉堂記蘇子由嘗見凝之出而歎曰凜乎非今世之士也凝之之為父與道原之為子廉潔不撓冰清而玉剛鄉人因名其堂曰冰玉堂澗曰冰玉澗

舊志格字道純學博論正得父兄餘緒起應制科黃山谷陳令舉有詩送之未仕而卒

宋史義仲字壯輿於書無所不讀不妄取與恕卒之七年資治通鑑成追錄其勞官義仲郊社齋郎政和中編逸史義仲自汝州儀曹召為編脩官至京師不謁權要未幾即致仕歸廬山一時公卿賦詩郊餞三世繼美尤不易及云魏了翁書遂初堂書目後廬山劉壯輿號稱多書然未久輒失之

宋史和仲有軼材作詩清奧刻厲欲自成家為文慕石介亦蚤死

朱晦翁冰玉堂記南康使君曾侯致虛旣表屯田劉公之墓明年乃訪得其故居遺地於郡治之東暇日屏騶馭披荆棘而往觀焉問其北隱然以高者則劉

公所賦之東臺也顧其南窳然以下者則詩序所指之蓮池也蓋自兵亂以來蕪廢日久唯是僅存其他則皆漫滅不可復識矣曾侯為之躊躇四顧喟然歎曰凝之之為父道原之為子其高懷勁節有如歐馬蘇黃諸公之所道是亦可謂一世之人豪矣想其平日居此林塘館宇之遠詩書圖史之盛既有以自造其造而一時遊且宦於此邦者亦得以叩門避席而考德問業焉何其盛也顧今百年之外臺傾沼平鞠為灌莽樵鬼牧子皆得以嘯歌躑躅於其上又何其可悲也雖然此吾事也不可以不勉乃出少府羨錢贖之民間垣而溝之以合於郡圃累石以崇其臺引

流以深其池作冰玉之堂於臺之西北繪劉公父子之像於其上且聞陳忠肅公之嘗館于是也則又繪其像以侑焉既而所謂是是堂漫浪閣者亦以次舉皆復其舊既成使人以圖及書來屬予記予惟異時承乏此邦亦嘗有意於斯而不克就今披圖考駿尚能憶其髣髴固喜曾侯之敏於事而能有成矣抑予又有感焉近歲以來人心不正保身者以同流合污為至行任事者以便私造已為長策其聞劉氏父子之風不唾而罵之者幾希矣欲其能如曾侯一以表賢善俗為心而不奪於世豈可得哉於是既書其事而造有以陳令舉騎牛詩為寄者因并以遺曾侯請

刻之堂上以補一時故事之缺云

黃山谷過致政屯田劉公隱居詩兒時拜公牀眼碧
看紫烟舍前架茅茨爐香坐僧禪女奴煮鬯粟石盆
瀉機泉今來掃門巷竹間翁蛻蟬堂堂列五老勝氣
失江山石盆爛黃土茅齋薪壤椽女奴為民妻又瘞
萬里園當年笑語地華屋轉朱欄課兒種松子傘蓋
上參天投策數去日木行天再環先生古人風鐵膽
石肺肝眼前不可意壯日掛其冠解衣廬君峰洗耳
瀑布源霧豹藏文章驚世時一班衆人初易之久遠
乃見難憶昔子政在為翁數解顏五兵森武庫河漢
落舌端王陽已富貴塵冠不肯彈呻吟刊十史凡例

墨新乾宰木忽拱把相望風隧寒百楹書萬卷少子
似翁賢

後山少府嶺劉凝之墓

南康郡西負郭為後山

南康志後山在星子縣西一里所與前山對峙

其下有陳圓隱居

南康志陳圓字德方嘗應制科有名稱已而歸隱後
山後進多師之黃山谷贈詩曰城中咫尺雲橫棧獨
立前山望後山又題其堂曰獨善隱居今廢

陳慕寓居

南康志陳慕字必正少從陳瑩中劉壯輿蘇養直遊

廉靜有守舉進士歷任州縣有聲或勸使求郡不從
歷倅洪潭明三郡歸以祖業遜兄寄寓後山號星灣
山疏慕子準正臣以父廕補官年五十卽掛冠歸號
清隱準子秬成和仕為楚州倅秬子畦子從為南漳
尉調靖州推官魏了翁奇而薦之不就以通直卽致
仕三世皆盛年納祿云

又西為少府嶺其上有劉凝之墓

山疏少府嶺在南康府西二里所以劉墓得名

劉凝之墓在少府嶺凝之晚善養性術年八十五無
疾沐浴正冠而卒葬嶺下朱晦翁為守時嘗修其墓
為立壯節亭并記後廢明正德中南康守陳霖重建

墓亭立石刻歐詩及朱記

朱晦翁壯節亭記淳熙己亥歲予假守南康始至訪
求先賢遺蹟得故尚書屯田員外郎劉公凝之之墓
於城西門外草棘中予惟劉公清名高節著於當時
聞於後世暫而挹其餘風者猶足以激悞而律貪顧
今不幸饋奠無主而其丘墓之寄於此邦者又如此
是亦長民者之責也乃為作小亭於其前立門墻謹
扃鑰以限樵牧歲以仲春率郡吏諸生祀焉郡之詩
人史驥請用歐陽公語名其亭以壯節適有會於予
言因屬友人黃銖大書以揭焉自是以來東西行而
過是者莫不顧瞻起敬予亦自以為茲丘之固且安

廬山紀事卷六
三
可以久而不壞矣紹熙辛亥予去郡甫十年今太守章貢曾侯實來按圖以索其故則門墻亭榜皆已無復存者為之喟然太息即日更作門墻築亭其間益為高厚宏濶以支永久又礮巨石以培其封植名木以廣其籟求得舊榜復置亭上歲時奉祀一如舊章且割公田十畝畀傍近能仁寺僧使專奉守增葺費而又以予嘗經於此也以書來曰願得一言以記之使後之人知吾二人拳拳之意而不懈其尊賢尚德之心也斯不亦有補於世教之萬分乎予曰諾哉曾侯名集字致虛學有家法故其為政知所先後如此云

層城山玉京山清潭山

又西為層城山

舊志層城山今謂之烏石山在縣西五里

陶淵明遊斜川詩序辛丑正月五日天氣澄和風物
閒美與二三鄰曲同遊斜川臨長流望層城又云若
夫層城傍無依接獨秀中泉遙想靈山有愛佳名
南康志九洪橋在縣西六里橋通錦屏鋪永樂二年
知縣唐冕重建

又西為玉京山

南康志玉京山在南康府西七里

玉澗在玉京山東南有橋曰玉澗橋朱晦翁有玉澗

詩

山疏山當大湖濱一峰蒼秀彭蠡東西數百里雲山烟水浩渺縈帶皆列几席前奇絕不可名狀

或曰姚氏女玉京死而葬此故名然小說娼女姚玉京嫁襄州小吏衛敬瑜敬瑜溺水死玉京守志不他

造時有孤燕棲梁間玉京試以紅縷繫其足明年春燕復來玉京賦詩曰昔時無偶去今年還獨歸故人

恩義重不忍更雙飛已而玉京死燕飛至墳所亦死唐李公佐有燕女記而南史以為王整之姊然皆云

襄城人非此山事其下有陶淵明舊居

山疏玉京山陶淵明嘗居之淵明詩疇昔家上京註

云南康志近城五里地名上京有淵明故居

崔誠老隱居

山疏宋崔誠老名閑博學高逸不事進取廬於玉澗之上以琴自娛名其廬曰睡足菴而自號曰玉澗道人菴今廢

蘇東坡序昔醉翁喜瑯琊山水之勝其後沈遵以琴為其聲而無詞今玉澗道人獨妙於琴故因其聲而

辭以補之

玉京之側有清潭山

南康志清潭山在縣西七里與玉京山相聯屬山下

有古潭

前山張叔夜墓

郡城東南負郭為前山其下有馮去疾別墅

南康志前山在縣東南一里所

舊志去疾嘉定十三年劉涓榜進士知溫州

郡城之東有神掌石

南康志神掌石在縣東一里陶公祠前

山疏石方而黑文隱隱如人掌俗謂之神運石

又東有張叔夜墓

山疏張叔夜墓在南康府城東三里

宋史初叔夜知海州嘗降劇賊宋江後知鄧州欽宗

時分天下二十三路為四道道置都總管以領之而

叔夜為南道都總管與其子伯奮仲熊帥師勤王進

簽書樞密院後卒於北溝河歸葬南康贈開府儀同

三司謚忠確

舊志郡守袁從脩嘗表其墓以冰玉諸賢合祀

宮亭湖

又東為宮亭湖

南康志宮亭湖在縣東五里

湖以宮亭名者水經註爾雅云大山曰宮宮之為名

蓋起於此不必一由三宮也

湖傍之山有石鏡

幽明錄宮亭湖傍山間有石數枚形圓如鏡明可以鑒謂之石鏡後人以火燎之石遂不明

水經註山東有石鏡照水之所出有一圓石懸崖明淨照見人形晨光初曜則延曜入石毫細必察故名石鏡

湖上有宮亭廟

山疏宮亭廟高僧傳南康志謂之却亭廟宋景德間敕著祀典

周景式廬山記高僧傳宮亭廟著靈孫權時其神能分風送舟舟行者皆禱祀祈風施捨山積西域僧安世高者南遊過祠下神忽入語為高言其前世嘗為

僧以瞋恚故積業受報墮異類中良苦今且死欲高為立法營塔覲得善生高曰見而形神曰形惡必駭衆不可見已而自座後出其首蓋大蟒也首與高膝齊高撫其首為梵語讚頌數四蟒悲淚如雨即隱去無何死柴桑縣山壑中其長數里縣人謂其地曰蛇村是後廟不復著靈矣宋臨川王義慶宣驗記蟒死於吳末庾仲雍荊州記晉初安世高以所得却亭廟神財立白馬寺於荊州東南隅

水經註山廟甚神能分風擘流任舟遣使行旅過必敬祀然後得去曹毗詩分風為二擘流為兩

吳郡太守張公直嘗與其妻女觀廟婢指女戲妃其

夜公直妻夢神人來致聘甚懼泊明遽發至中流船
曳不前舟中咸懼曰奈何愛一女而禍一門耶公直
不忍令妻下女於江妻以其亡兄女代之船卽前已
而公直知之怒曰吾何面目見天下人耶復下其女
於江旣濟見二女立岸側無恙傍一吏曰我廬君主
簿也高君之義悉歸二女

幽明錄南州人有遣吏獻犀簪於孫權者舟過宮亭
廟而乞靈焉神忽下教曰須汝犀簪吏惶遽不敢應
俄而犀簪已列前矣神復下教曰俟汝至石頭城返
汝簪吏不得已遂行自分失簪且得罪死比達石頭
忽有大鯉魚長三尺躍入舟剖之得簪

潯陽記周訪嘗與諸商宿宮亭廟晨起如廁見廁舍
中有一白頭翁逐之則化爲雄鴨將還舟且烹之諸
商以爲怪而競視之鴨忽飛去

冷齋夜話秦少遊南遷時舟宿宮亭廟下見湖月光
彩特異因憶昔在西湖雲老惜竹軒所見景色與此
不殊其夜夢美人自稱維摩散花天女以維摩像求
贊少遊愛其畫謂非吳道子不能作天女戲贈詩曰
不知水宿分風浦何異秋眠惜竹軒聞道詩詞妙天
下廬山對眼可無言少遊贊曰竺儀華夢瘴面囚首
口雖不言十分似九應笑蔭覆大千作獅子吼不如
博取妙喜似陶家手旣悟嘗自書之其真蹟後落雷

州天寧寺心園家手刊石書其真蹟終各
宮亭湖側為神林浦大賦之近界六千亦神亭不

南康志神林浦即神林湖在縣東五里莫漢南四首

山疏神林之墟舊有曹彥約湖莊及觀蔣園今廢觀

蔣園記不知作者誰氏並下不始於天女湖觀後信

神林浦東有蝦墓石令公廟並下天女公觀取神末

南康志蝦墓石在縣東十里枕湖今為雷所擊折其

首南康志蝦墓石在縣東十里枕湖今為雷所擊折其

令公廟在蝦墓石上令公不知何神

蝦墓石側有山為定山東山

舊志定山去縣東北二十里並湖山兩端夫而申

小如金鋌

桑喬生曰山不骨不瘦不削不奇匡南山多純石背微

負土皆詭特稱幽賞然秀言開先偉稱五老予行攬觀

之五老尤瑰奇矣匡北山稍有土氣勢柔和二郡之人

其稟受亦略相類云

同志山

廬山紀事卷六

高雅之士往往讀書講藝其中南唐昇元中遂建為
學置田聚徒以國子監九經李善道為洞主名曰廬
山國學四方之士受業而歸出為世用名績彰顯者
甚衆宋初因置為書院益擴而大之與睢陽石鼓嶽
麓三書院並名於天下當是時學徒常數十百人太
吳平與國子監從知江州周述請賜國子監印本九經
正驛送至洞後又官其洞主明起為褒信縣簿歲壬午
始置南康軍并學而洞乃屬南康咸平壬寅猶詔有
司脩繕然自有南康軍學而洞事浸浸廢矣祥符初
直史館孫冕以年及乞致仕願得白鹿洞故趾歸老
詔許之歸未至洞而卒祥符中冕子比部郎中琛即

洞旁築室十數楹榜曰白鹿洞書堂俾子弟講習四
方有來學者輒餼食之以此著聞於時當塗郭祥正
為記勒石其後兵亂室焚記石徙天慶觀其後天慶
觀亦焚記石遂燬不存淳熙己亥朱晦翁來守南康
甫室即撤教授楊大法司戶毛某看詳既又躬至鹿
洞周覽之悉得其可修舉狀因具上尚書省言鹿洞
乃昔賢嘉遯之地先朝嘗即以養士德意甚厚而一
廢遂不復振為吏者不得不任其責且所建立僅小
屋十數楹纔足不泯設計亦不至勞費請檢會太平
興國中節奏指揮送本軍為法守不使至湮沒其後
又劄止尚書并丞相言願得比祠官例為白鹿洞主

假之稍廩使得終與諸生講習其中猶愈於崇奉異
教香火無事而食也其後又具疏請依徽麓書院例
賜白鹿洞書院額并給賜高宗御書石經及九經疏
論語孟子等書皆格不行當是時朝野詢詢傳以為
怪其後晦翁遷浙東提舉入奏對延和殿其言白鹿
洞書院太宗真宗造士之意甚深非下吏淺識所可
窺測今老佛之宮布滿天下大都逾百小邑亦不下
數十而公私增益勢猶未已至於學校則一郡一邑
僅置一區附郭之縣又不復有盛衰多寡相懸如此
有司者不彼之正而反疑臣之請何也夫無御額賜
書為流俗所輕廢壞無日非陛下所以丕揚前烈嘉

惠斯文之盛心也臣謹昧死請於是孝宗始允可之
元末兵燬至我明正統中南康守羣溥福乃始得其
遺趾於榛莽中而振起之書院由是復興其後御史
陳銓提學僉事李齡副使蘇葵邵寶蔡清李夢陽知
府劉定昌等咸先後維持之屢集胡儼彭時李賢張
元禎李齡何喬新皆有記

商丘漫語唐時人士多棲隱山谷以獵聲華故司馬
子微目終南為仕宦捷徑不獨廬山當貞元元和中
符楊輩居廬山者三數十人不獨渤兄弟但他仕者
所泊不近所隱無以彰顯之故隱居汨沒無聞白樂
天赴杭州過草堂纔信宿即去獨渤刺江州為能後

而大之此鹿洞所以聞於世也

音院有禮聖殿

洞志初朱文公為浙東提舉時以錢三十萬屬南康

軍守錢聞詩建禮聖殿後廢我皇明正統中翟溥福

重建易名大成弘治中蘇葵再建復名禮聖

晦翁跪坐拜說初錢聞詩作禮殿時朱晦翁移書言

宜如開元禮於祭時設主不為塑像不從又言像用

燕居服鑿石為臺席地而坐免匍匐就食之譏亦不

從其後晦翁作跪坐拜說鹿洞諸生大略言古者

坐與跪類儀禮曰坐取爵禮記曰坐而遷之曰一坐

再至曰武坐致右軒左老子曰坐進此道漢文帝不

覺膝之前於席管寧坐不箕股榻當膝處皆穿諸所

謂坐皆跪也然記又云授坐不立莊子云跪坐而進

大蓋以膝隱地伸腰及股危孰而不安者跪也以膝

示隱地以尻著蹠而體便安者坐也此跪與坐之異也

詩曰不遑啟居釋之者曰啟者跪也爾雅曰妥者安

也釋之者曰安定之坐也夫起為跪則居為坐矣安

為安坐則跪為危坐矣又大祝九拜杜子春釋奇拜

曰拜之時先屈一膝今之雅拜也夫以先屈一膝為

雅拜則餘拜皆並屈兩膝明矣肅拜者拱兩手而下

之至於地也頓首者頓其首於手上也稽首者却其

兩手而以首至地也皆因跪而益致其恭也今成都

郡學所存漢文翁禮殿刻石諸像皆膝地危坐兩蹠
隱然見於坐後帷裳之下尤足證云

明倫堂 限於我昔並承而漸興矣蘇葵重建有劔
洞志明倫堂在禮聖殿東翟溥福建蘇葵重建有劔
寶正學之門并某敕賜白鹿洞書院二扁又南有石
華表扁曰山水輝光石劔文公東黃商伯帖二石刻
嵌堂壁

宗儒祠

洞志明倫祠即三賢祠初文公既去郡諸生為立生
祠於講堂右文公聞移書撤之及文公卒開禧乙亥
諸生復繪濂溪二程及文公像祀於講堂後廢我皇

明翟溥福別立祠祀濂溪文公李賓客於殿左配以
白陶淵明劉凝之陳了翁劉道源名三賢祠其後蘇葵
又遷五賢於別室而專祀周朱邵寶又配以從朱子
講學鹿洞之十四賢趙淵又并祀象山易名宗儒石
劔王守仁大學中庸古本在祠東壁湛若水海澗天
文空四字在祠西壁

先賢祠

洞志明倫祠在文會堂前以祀李博士涉李賓客渤
李洞主善道朱助教弼明洞主起劉洞師元亨劉西
澗渙劉秘書恕陳司諫權李提學齡胡洞主居仁蘇
提學葵邵提學寶蔡提學清陳御史銓唐御史龍共

十六人皆升學實業錄學前刺喻史金惠喻史蒲共
 祠後有井李夢陽鑿且自為銘今埋地師主武二藉
 忠節祠主善直米旭燦泗師主殊隱師神元亨隱西
 山疏祠以祀諸葛忠武侯陶靖節在宗儒祠南春秋
 夫則合祀於先賢祠序於李博士上
 文會堂平武師西塾

洞志文會堂在明倫堂左嘉定間朱寺正建陳寺丞
 改今名紹定中知軍史文卿改名君子堂後廢我皇
 明翟溥福蘇葵重建石刻湛若水四勿箴心性圖說
 白鹿洞即隱居之別一清隱館其後三賢師其於
 洞志初鹿洞有名無洞正德初南康守王濬乃闢後

山為洞曰白鹿洞臺於洞上曰思賢臺其後南康守
 何濬鑿石為鹿窟諸洞中嘉靖中巡按御史曹忭亭
 於臺上曰思賢亭自為記石刻先賢書院白鹿勝洞
 景賢臺思賢臺並李時達書白鹿洞天何遷書思賢
 臺劉世揚書理學淵源衡厓書俱在臺畔
 山疏往者李渤鹿洞今不知其處或曰即鹿眠場也
 夫鹿眠場何可以洞言地近矣而不似李夢陽曰在
 三疊泉壑中乃今人所謂石門關劉世揚所謂玉川
 門者洞似矣而不近唐龍大意亭記則曰鹿洞埋矣
 三者槩之未有得也蓋陳舜俞廬山記曰唐李渤與
 况涉偕隱白鹿洞後為江州刺史廼即洞築臺環以

廬山紀事卷七
流水襟植花木為一時之勝夫舜俞去唐不遠五代
宋初相沿遺蹟具存猶可考見既曰隱居鹿洞又曰
即同築臺則今書院即隱居之趾亦即鹿洞所在而
鹿眠場即鹿所常眠處也三疊泉壑中既無築臺遺
蹟陳舜俞又未嘗言朱晦翁經營鹿洞時往來三疊
泉壑中亦不言鹿洞在彼則亦何據而云然哉且三
疊泉壑去書院十里而遙窮山邃谷人迹罕至渤又
處士聲勢不能及遠蓄鹿於彼大非人情凡考古者
欲其實若前無所稽徒為高論是自我作古而古蹟
不必憑也搢紳大夫一言而天下後世將藉以為口
實可易易哉或曰然則何以謂之洞曰廬山如僊居

洞蓮花洞皆無洞祇以四山迴合似洞而名鹿洞亦
其類耳

朋來亭

山疏在思賢臺北山絕頂提學副使王宗沐建宗沐

詩孤亭縹緲四無鄰全占匡廬望裏春俯仰乾坤須
著此主張風月更何人洗心賴境終非靜避俗耽山
亦是塵未喪斯文吾黨在莫教虛度電光身參議孫
應鰲坐朋來亭有懷敬所喬嶽高人兩並名文章相
對有餘清每緣休暇耽幽賞得向巉巖結靜盟歌罷
雅音真寡和夢殘天籟自相鳴十年愧殺奔忙客何
事金丹不可成

有水自凌雲來逕書院東流出硤為貫道溪

山疏貫道溪者犀牛折桂之水也貫道橋今廢

書院之西有釣臺石釣臺亭實新向變刻精盤如

山疏釣臺石在貫道溪北石刻文公釣臺三大字劉

世揚意不在魚四字在釣臺石上史書大史

釣臺亭李夢陽建自為記并書碑石刻太原喬宇五

老峰三大篆字在碑陰古魚聖東春

又西有漱石實北山盤更刻學偏刻王宗本

洞志漱石在釣臺石西溪水湍激處石刻文公漱石

三大字在漱石上彭治尋樂處三字在漱石傍

書院之前有卓爾山其巔有高美亭

洞志卓爾山在貫道溪南提學副使鄭廷鵠為之名

高美亭在卓爾山巔嘉靖中御史徐岱建

又山巔舊有光風霽月亭後移於風雩石北岬今廢

卓爾山西有大意亭

洞志大意亭在高美亭西正德辛巳御史唐龍建自

為記東

洞志大意亭西舊有白鹿精舍今廢石刻文行忠信

大四大字字徑數尺文公書陳綽摹刻在精舍北澗石

上聽泉二字在文行忠信石上觀德二字在文行忠

信石南崖與廢射圃對俱文公書

風雩二字在觀德石東**洞志**其地故有亭晦翁嘗與

諸生列坐其上後李山長取亭傍風雩二字名之今
廢石劉隱處二字在風雩石上流杯二字在風雩石
下文公書平武文許忠許百土贈與二字五文許忠
大意亭西南有鹿眠場白鹿所嘗眠處也許舍此際以
石劉李夢陽鹿洞二大字許舍今廢文許忠許
流杯石東有洗心橋

卓彭治書在砥柱南

又東有勘書臺亭於其上曰獨對亭
山疏勘書臺宋李萬卷勘書處也崖石峻峭下臨湍
澗萬卷不知其名南康志李萬卷宋元祐間讀書白

雲菴仕至丞相卒葬白鹿洞側然宋史不載其人墓
亦不知所在

獨對亭在勘書臺上弘治中邵寶建并書扁自為記
李夢陽為銘

又上有好我亭
山疏嘉靖中都御史何遷建
臺西有泉曰聖澤泉

洞志風泉雲壑樓即宗文閣李山長建在勘書臺西
今廢石劉風泉雲壑四字陳淳祖書在勘書臺下題
志慶元丙辰之臘月太守廣陵趙公修白鹿書院十
有六日知縣事梁翊以督役至此教授吳中堂長吳

堯佐學錄余坦直學趙規

洞志聖澤泉在風泉雲壑字下石劉聖澤之泉四字

臺東有小三峽峽口有枕流橋

洞志貫道溪流與書院左小水合而出峽飛湍陡絕

號稱三小峽

枕流橋在峽口峽口之石富有先賢遺跡宛宛可讀

峽壁有朱文公敕白鹿洞書院六大字溪石有朱文

公枕流二大字橋南題志永嘉陳淳祖假守是邦被

命造朝以書考日謁辭鹿洞會講預者元寮於丘璉

山林棟堂長陶桂一洞正與仁前洞正主祠

錄張傳一講書劉陶應子黃有開堂書杜端甫

直學傅仕龍歐陽綱學諭與諸生幾百人景定庚申

良月旦日題

洞志枕流亭今廢胡泳題志番陽李侯駿嘉定戊辰

歸自武昌訪書院經小三峽愛清泉之奔流懸崖之

對峙出橐贊與白鹿洞諸生狷亭峽上後十年戊寅

郡入胡泳以三山黃公幹所留郡守陳宓復鼎新崇

大之扁以枕流亦莫揆首狷之由也又四年壬午李

侯守池陽泳客於池昉聞其始末是秋侯之子休廣

甥夏昌守昌辰實來合洞之士友七十有八人舉酒

亭出相與歎歲月之易流幸來者之有繼也因書其

事刻資崖石七月壬申胡泳題

洞志百花亭亦李萬卷建與枕流亭隔溪相對今廢
自潔亭在洞口今廢舊有自潔二字陳宓題志朱文
公嘗書此以名洞溪今逸其蹟嘉定乙卯莆田陳宓
謹書又自潔二字陳宓書在題志側鹿洞二字朱子
書蹲鹿坡方豪書俱在自潔字側也又四平王下李
枕流橋北為迴流山亭於山巔曰六合亭宓題鼎德崇
山疏三小峽水過枕流橋北溪石齒齒激水又南有
泚溪來會之水溢湍怒洶洶有聲流一里所有山雄
雄當水所行道溪流觸之遂折而南故名其山曰迴
流

洞志六合亭在迴流山巔正德辛未南康守劉章建

李夢陽為記

迴流山下有石華表扁曰前脩逸蹟今曰名教樂地
山東有流芳橋

其洞志流芳橋亦名濯纓橋在石華表東石劄陳宓流

芳二字在橋北陳宓題志新安朱侯在郡時建橋

白鹿洞之東南陬面直五老溪流緝潔未之名同遊

江西張琚羅思姚鹿卿閩張紹燕潘柄郡人李燔胡

泳繆惟一會講洞學畢相與歌文公之賦特名流芳

既揭楹間因紀岸左嘉定戊寅四月丙午莆陽陳宓

書石華表吟

又東有溪口橋益東五里所有白鹿原石橋音益共此

洞志溪口橋在迴流山東二里許俗呼觀音橋其北有石華表知縣崔攷建李夢陽扁曰白鹿洞書院

中館舖在溪口橋南嘉慶九年黃四氏西平黃朝定

洞志白鹿原石橋去書院五里許在羅漢嶺下東通

驛道西入書院

朱晦翁書康節誠子孫文後跋伊川與方道輔帖跋

和靖帖跋包孝肅詩並燬志

其廩士有洞田散在星子及他縣凡二十七頃六十八

晦有奇

洞志初南唐建學時嘗置洞田以給士然其事不可

攷淳熙庚子朱晦翁廼始置谷源卧龍等莊及旁邑

沒入田共八百七十畝後三年癸卯軍守朱端章以

浮屠詭名沒入田七百畝益洞田後三十八年嘉定

辛巳軍守黃桂以沒入田三百畝置西源莊咸淳間

劉傳漢又增置貢士莊元大德間崔翼之又增置上

田百畝元末兵亂田皆迷棄凶矣我皇明成化中提

學副使李齡廼復置洞田一百五畝有奇與僉事徐

懷所置田八十畝有奇租入少不足以廩士士多辭

去其後巡按御史陳銓益市田八百二十畝有奇而

提學副使蘇葵又市田六百二十七畝有奇卻寶所

置田二十六畝有奇唐錦徐一鳴所置田五十二畝

有奇參政張元冲所置田一百一十六畝有奇御史

蕭端蒙所置田六十六畝有奇而提學副使李夢陽
鄭廷鵠知府陳霖推官徐進又先後所清出田一百
六十二畝有奇并他山地塘共二千三百九十八畝
有奇嘉靖乙卯江西饒藩永豐王府輔國將軍厚熜
輸田二百九十二畝又江藩瑞昌王府奉國將軍拱
榘輸田七十八畝六分皆以供祀事贍學徒焉
[山疏]昔崇陽令趙彥繩取僧田二百畝入於學宮曰
使無父無君者不得獨飽學為忠孝者得無所營而
益修其業朱晦翁稱其務一得兩然彼造有幾可乘
今洞田雖多取之僧皆重直以酬與取於民無異是
必民視異端而不為徒取也可謂義盡仁至矣

其造士有洞規

[朱子白鹿洞規]父子有親君臣有義夫婦有別長幼

有序朋友有信右五教博學之審問之慎思之明辨

之篤行之右為學言忠信行篤敬懲忿窒慾遷善改

過右修身正其誼不謀其利明其道不計其功右處

要已所不欲勿施於人行有未得反求諸已右接物

[蔡宗克洞規說]洞規欲學者易見故條列以示非外

五倫別有接處亦非外博學五者而別有功也然五

者之要在心朱子曰古聖賢皆以心地為本

鹿洞諸賢隱居二人唐李涉李渤

李涉字清之號玉谿子有詩名文獻通攷涉雖與弟

勃共隱廬山然熾人早從陳許辟元和中為太子通
事舍人投匭言吐突承璀寃狀時孔戣知匭事見副
章結責不受涉乃行貨詣光順門自通進戣上疏極
言涉姦險罔上請加顯戮遂出為峽州司倉參軍太
和中為太學博士後以武昭事流康州詩話涉嘗江
行至皖口遇盜問知其為涉也不發其橐但索一詩
以去涉詩曰風雨蕭蕭江上村綠林豪客夜知聞相
逢不用相迴避世上如今半是君李彙征記彙征嘗
遊閩粵至循州冒雨之常氏莊宿焉主人自稱野人
常思明年八十餘矣談論淹洽連日夕不倦彙征不
能屈也因及李涉詩思明愀然變色曰僕少無賴睢

恣江湖間結黨與事剽劫後遇李博士得一詩因去
跡羅浮易行為善士緬懷顧遇即陸士衡之感戴
若思李既云仆亦不復遊秦楚俛仰今昔不覺潛
然持觴酌之且出涉手翰觀之常蓋皖口舟中之盜
云

洞志李渤字濬之貞元中與兄涉隱居廬山白鹿洞
後徙嵩山元和初以右拾遺召不拜昌黎韓愈遺書
觀之渤始出家於東都每朝政有闕輒封章上之尋
遷右補闕歷考功員外郎長慶間出刺處州改江州
尋召還至諫議大夫卒贈禮部尚書渤歷事三朝有
直諒聲雖屢以言斥而耿介不挫六帖李渤隱廬山

廬山紀事卷七
撫古聯德高蹈者楚接輿老萊子黔婁先生烏陵子
王仲豫梁鴻六人圖其像贊之以自警漁隱叢話石
洪温造李渤以處士盜虛名韓文公雖與之遊然甚
鄙薄之韓詩云水北山人石洪得名聲去年去作幕
下士水南山人温造又繼往鞍馬僕從塞閭里少室
山人李渤索價高兩以諫官徵不起彼皆刺口論世
事有力未免遭驅使夫山人也而刺口論事得聲名
侈僕從索價高遭驅使其於人賢不肖何如也其鄙
薄之至矣
讀書洞中九人唐顏翊南唐伍喬江為宋楊徽之劉式
劉元亨蒯鼈段鵠元黃翼

洞志顏翊真卿之後也少孤篤志先業又善詞翰謹
禮法弟子二十餘人從受經白鹿洞

洞志伍喬淮南人肄業白鹿洞學刻志進脩詩調清
苦南唐書廬山有僧夜夢一大星當空爛然甚明傍
有人指之曰此伍喬星也翌日行求得之因厚資給
之喬用是益得肆力於學喬嘗夜誦有人掌自其牖
入掌有二字曰讀易因遂學易其後果以試畫八卦
賦中第一人累官考功郎

山疏江為梁侍中淹之後也與廬陵劉洞同師處士
陳貺讀書鹿洞二十餘年屢舉不第昇元中元宗視
學見其題壁詩大為稱賞然卒無薦引者竟不第洞

善為詩自謂得浪僊遺態云平熟蕪何首竟不榮
楊徽之字仲猷建州浦城人也南唐時讀書白鹿洞
後仕宋為諫議大夫遷翰林學士禮部侍郎太宗嘗
擇其詩十聯書於御屏景祐二年詔曰徽之先帝宮
僚其贈太子太師謚文莊

劉式字叔度清江人南唐時讀書白鹿洞試三傳狀
元及第宋平江南逮繫入京太祖素重其名以為鴻
臚歷大理丞出監通州和豐監入判三司都磨勘終
刑部郎官晦翁白鹿洞所藏漢書跋熹既為劉子和
作傳其子仁季致書以其先人所藏漢書四十四通
為謝時白鹿書院新成因送使藏之以備學者看讀

子和五世祖磨勘府君式南唐時讀書此洞後仕本
朝有名太祖時其孫敞放皆為聞人今子和弟子激
之家尚藏其手抄孟子管子書云是洞中日課也月
日朱熹仲晦父記

洞志劉元亨字子嘉南康人讀書白鹿洞有操行

洞志蒯鼈宣城人家貧好學讀書白鹿洞性廉直重

然諾太平興國五年進士終殿中丞南康志鼈與諸

主葛濤盧絳號廬山三友

洞志段鵠字正已廬陵人宋端拱進士與瑯琊王儼

建學李寅孟歸唐入廬山國學讀書十餘年並有時

名

洞志黃翼字同民號節菴灝之後也讀書白鹿洞至元間領鄉薦為惠州學錄道源書院山長值兵亂棄官歸陳友諒據江州聘之不起

主洞五人南唐李善道朱弼宋明起與明胡居仁蔡宗

堯

洞志李善道南唐國子監九經昇元中始建學白鹿

洞以善道為洞主

朱弼南唐時為廬山國學助教剖析疑難學者所依

山疏胡居仁者餘干人敬齋先生也初洪都諸當道

者使使以幣走新會迎白沙陳先生來主洞事先生

辭不至已乃聘敬齋敬齋既入洞銳意倡明聖賢之

未學且薦其徒有行義者陳大中華三數人與共事非

當道意鬱鬱不得志無何謝病去敬齋躬耕孝弟力

行有聞君子以為賢於吳康齋去

蔡宗堯字希淵山陰人舉進士為福建興化府學教

授踰年而歸因唐龍薦起為南康府學教授生白鹿

洞復洞規變士風都御史王守仁遺五十金俾勸公

署會公署成乃以屬郡增置學田士林稱之

與朱晦翁往來洞中

洞志劉清之字子澄號靜春叔度五孫也甘貧力學

舉進士終袁州守清之雅善晦翁嘗訪翁於南康止

白鹿洞有同遊玉峽諸作山金錄入宋文公年南康

山疏陸子靜名九淵號象山金谿人朱文公守南康時象山與其徒朱克家等至自金陵請書其弟子壽墓銘因遂至鹿洞為諸生講君子喻於義章大略言學者當先辨志科舉得失因於所遇非以為君子小人之辨也而世以之相尚沮沒不能自振雖誦詩書道仁義而所志則大謬矣甚者計官爵之崇卑競廩祿之厚薄又安能謀國軫民無負委任之意哉此其心非不各有所喻顧不在義耳反覆數百言懇到明白切中學者隱微深錮之病諸生聞之無不悚然動心有泣下者晦翁為勒石洞中朱子門人講道洞中一十四人林擇之蔡沈黃幹呂炎朱子門人講道洞中一十四人林擇之蔡沈黃幹呂炎

呂燾胡泳李燔黃灝彭方周艮彭蠡馮椅張洽陳必其洞志林擇之字用中閩人從朱子遊最久朱晦翁守南康時擇之來講學白鹿洞擇之蔡沈字仲默號九峰著尚書傳常黃幹字直卿號勉齋閩人也文公曰直卿志堅心苦與之居大益人以其子妻之病革以深衣及所著書與幹曰吾道在是矣幹後入廬山訪李燔陳必盤桓玉淵三峽間俛仰文公舊跡講乾坤二卦於白鹿山南北之士皆來集焉古文六書如樂器對文公呂炎字德明呂燾字德昭建昌人兄弟五人同遊文公之門炎與燾尤知名陳必盤桓

胡泳字伯諒建昌人號桐栢先生

山疏李燔字敬子號弘齋建昌縣人紹熙初登進士授岳州教授教士以古文六藝改襄陽教授文公之沒也學禁方嚴燔獨率同門往會葬後郡守請為白鹿書院堂長髦士雲集講學之盛他郡莫比九江恭念成稱燔心事如秋月卒贈直文華閣謚文定

宋史黃灝字商伯號西坡都昌人舉進士教授隆興府知德化縣遷太常寺簿出知常州提舉本路常平歲凶有旨倚閣夏稅灝請併閣秋苗不俟報輒行之遂得辜削兩秩歸幅巾深衣騎驢往來匡山中若素隱者朱文公守南康灝執弟子禮受業文公沒黨禁

方屬灝冒禁奔喪徘徊不忍去人皆義之

洞志彭方字季正號強齋弱冠魁省闈累官兵部尚

書卒贈文華閣龍圖學士謚文正

周耜字直叟星子縣人博雅好古篤學工文為洞正

勤於訓誨老而不倦嘗集朱子語錄

彭蠡字師範號梅坡都昌人仕至吏部尚書贈龍圖

學士

馮椅字奇之號厚齋都昌人登進士授德興尉調江

西運幹卒贈尚書奇之嘗家居授徒所著易詩書語

孟太極圖西銘輯說孝經章句喪禮小學孔子傳續

史記及詩文志錄合二百餘卷

宋史張洽清江人少穎異從晦翁學自六經傳註下逮諸史百家山經地志二氏之說靡所不讀嘉定中中第授松滋尉改袁州司理參軍通判池州以病請祠後袁甫提點江東刑獄請為洞長擇諸生好學者日與講說而汰其不率教者養士之田乾沒於豪右者復之相彈擊林汝楷昌人廿五吏暗尚書韻譜圖

宋史陳宓閩人丞相俊卿之子少嘗及晦翁之門長師黃幹嘉定間知南康軍有政聲公暇即造白鹿洞與諸生講學今洞中石刻多其遺蹟改知南劍州躬延平書院以白鹿洞規教之嘗自言居官宜如顏真卿居家宜如陶淵明而尤敬諸葛孔明既沒家無餘

財為能蹈其言云

山疏朱子門人又有曹彥約簡甫周謨舜弼余潔伯秀李輝晦叔劉賁煥文熊兆世卿其所居並近鹿洞然不列洞祀彥約仕至兵部尚書兆號拙逸朱晦翁嘗為著拙逸說

賢而祀鹿洞者七人諸葛亮陶元亮周惇頤劉煥劉恕陳瓘王禕

陳壽評亮之為相國也撫百姓示儀軌約官職從權制開誠心布公道盡忠益時者雖讎必賞犯法怠慢者雖親必罰服罪輸情者雖重必釋游辭巧飾者雖輕必戮善無微而不賞惡無纖而不貶庶事精練物

理其本循名責實虛偽不齒經載十二而年名不易
軍旅屢興而赦不妄下

長史張裔曰公賞不遺遠罰不阿近爵不可以無功
取刑不可以貴勢免此賢愚所以僉忘其身也

袁曄曰受六尺之孤攝一國之政事凡庸之君專權
而不失禮行君事而國人不疑

樊建曰聞惡必改而不矜過賞罰之信足感神明

張南軒諸葛忠武侯傳亮用兵出入如賓踐敵境而
芻蕘者不止師止如山進退如風出征之日天下震
動而人心不憂雖數萬之衆而所興造若數十萬之
功所至營壘井竈圍溷藩籬障塞皆應繩墨一月之

行去之如始至發教軍事文彩不豔過於丁寧而理
事綜物公誠之心形於文墨夙興夜寐罰二十以上
皆親省覽

廣漢張棻曰三代衰謀國者不復知正誼明道之貴

三老董公獨得宏綱以告漢高帝惜高帝猶未盡其
用也武侯乃能執其機而用之其言曰漢賊不兩立
曰鞠躬盡瘁死而後已成敗利鈍非所能逆睹嗚呼
此少康四十年經營宗祀卒以配天之本心也侯可
謂有正大之體矣又曰侯恢復規模先務根本拳拳
焉憂後主弗克負荷出師一表專言宮中府中一體
且請親賢臣遠小人薦郭攸之等使在左右侯之意

深且遠矣又曰侯於學未足故於天下事不能徧該
而一以貫之如昭烈讀取劉章如立凶國之宗婦以
為后如昭烈之喪以日易月處之皆有所未盡非學
之未至歟若侯者體大而未究於學者也
像贊維忠武侯識其大者仗義履仁卓然不捨方卧
南陽若將終身三顧而起時哉屈伸難平者事不昧
者幾大綱既立萬目乃隨我奉天討不震不竦惟一
其心而以時動噫侯此心萬世不泯遺像有嚴瞻者
起敬

有功鹿洞十八人宋周述孫琛錢聞詩陳洽朱端章黃
桂劉傳漢元崔翼之陳炎酉熊升明翟溥福李齡蘇葵

陳銓李夢陽邵寶蔡清唐龍

洞志周述太平興國中知江州上言白鹿洞學徒數
百乞賜印本九經使習業之詔從其請命國子監驛
送至洞

山疏孫琛新淦人比部郎中父寃與王欽若同郡欽
若在相位寃久次館職不調晚得蘇州已及引年卽
謝事去卒葬洞後題曰孫史館之墓琛事具沿革語
中

洞志錢聞詩字子言吳都人淳熙辛丑代文公知南
康軍有興建之功

洞志陳洽知南康軍興學勸農建白鹿洞書院友善

堂立天下名山大川橋亭
洞志朱端章淳熙癸卯知南康軍置洞學田七百餘
畝以贍四方之來學者

田
洞志黃桂嘉定辛巳知南康軍置西源莊以為洞學

洞志劉傳漢咸淳間知南康軍置白鹿洞貢士莊
洞志崔翌之字鵬舉大德間為南康守增置洞學田
百畝學士虞集記其事

洞志陳炎酉至元間為南康路總管繕修書院興學
賑饑

洞志熊升豐城人至元間為星子令嘗與諸生講學

鹿洞

洞志翟溥福東莞人正統丙辰為南康守時書院久
燬惟枕流濯纓二橋在溥福至建殿堂齋舍凡若干
楹書院由是復興翊道之功於鹿洞為我明稱首

洞志李齡潮陽人成化乙酉為江西提學僉事考課
南康首訓白鹿洞學擇多士肄業其中

洞志蘇葵字伯誠順德人江西提學僉事性剛介不
苟合與中官董讓相構陷執諸生數百人號泣扶葵
去尤於洞學有功

洞志陳銓字秉衡永州人官御史弘治間按南康考
學田多為僧寺所據乃收寺市田九百畝於洞何喬

新有記

洞志李夢陽字獻吉慶陽人江西提學副使公餘詣書院講明經學記宗儒獨對釣臺六合諸亭大書刻字慮溪泉不可飲鑿井先賢祠後清查學田作新志

洞志邵寶字國賢無錫人江西提學副使振起洞學諭學者立心之始幾莫先於誠偽辨莫先於義利欲學者暫輟進取以待學成然後出仕又教諸生習士相見禮至洞俛仰五老之勝作獨對亭自為記

洞志蔡清字介夫江西提學副使學術醇正教人必極其蘊奧至洞開示諸生各盡其性士心丕變

洞志唐龍字虞佐江西巡按嘗上疏言白鹿洞書院

雖古迹僅存然無專官主其事文室講堂鞠為灌莽無復昔時絃誦之盛夫南康府學去書院纔十五里勢可兼攝而興化府學教授蔡宗克學行足以楷範多士若使教授南康兼主鹿洞作養人才當必有可觀詔從之君子謂我本朝自開國以來未有以洞官上請者茲舉誠異數云

白鹿洞內有七姑廟烈女廟洞側有陳選墓

郡志七姑廟在勘書臺側**山疏**七姑者李渤之女也

蓋旣死而鄉人祠祀之朱晦翁為之書額今廢

王忠文公遊書院記過枕流橋從烈女廟後登北岡**山疏**烈女不知誰氏或曰卽七姑也然郡乘不載廟

今廢
郡志宋陳選字公順博學敦行登進士仕為節度推官
官蘄州守俱著政績以太子賓客致仕卒

藝文

呂祖謙白鹿洞書院記淳熙六年南康軍秋雨不時高仰之田告病郡守新安朱侯熹行胝陂塘並廬山而東得白鹿書院廢址慨然顧其僚曰是蓋唐李渤之隱居而太宗皇帝驛送九經俾生徒肄業之地也書院狃於南唐其事至鮮我太宗於迅掃區宇日不暇給之際獎勸封植如恐不及規模遠矣中興五十年釋老之宮圯於寇戎者斧斤之聲相聞各復其初

獨此地委榛莽過者太息庸非吾徒之耻哉郡雖貧薄顧不能築室數楹上以宣布本朝崇建人文之大旨下以續先賢之風聲於方來乎廼屬軍學教授楊君太法星子縣令王君仲傑董其事又以書命祖謙竊記其成祖謙竊嘗聞之諸公長者國初斯民新脫五季鋒鏑之厄學者尚寡海內向平文風日起儒生往往依山林卽閑曠以講授大率多至數十百人嵩陽嶽麓睢陽及是洞為尤著天下所謂四書院者也祖宗尊右儒術分之官書命之祿秩賜之扁榜所以寵綏之者甚備當是時士皆尚質實下新奇敦行義而不偷守訓詁而不鑿雖學問之淵源統紀或未深

宛然甘受和白受采既有進德之地矣慶曆嘉祐之間豪傑並出講治益精至於河南程氏橫渠張氏相與倡明正學然後三代孔孟之教始終條理於是乎可攷熙寧初明道先生在朝建白學制教養考察賓興之法網條甚悉不幸王氏之學方興其義遂格有志之士未嘗不歎息於斯焉建炎再造典刑文獻寢還舊規格論緒言稍出於毀棄翦滅之餘晚進小生驟聞其語不知親師取友以講求用力之實躡等凌節忽近慕遠未能窺程張之門庭而先有王氏高自聖賢之病如是洞之所傳道美者或鮮矣然則書院之復豈苟云哉此邦之士盍相與緝先儒淳固慤實

之餘風復大學離經辨志之始教由博而約自下而高以荅揚熙寧開迪樂育之大德則於賢侯之勸學斯無負矣至於考方志紀人物亦有土者所當謹若李濟之之遺跡固不得而略也侯於是役重民之勞賦劫以狹率損其舊十七八力不足而意有餘矣興廢始末見於當塗郭祥正所記者皆不書平博土其朱晦翁白鹿洞賦曰誠明之兩進抑敬義其偕立允莘摯之所懷謹巷顏之攸執虞伯生跋集嘗泛彭蠡登匡廬升斯堂三復斯文於所謂誠明兩進敬義偕立凜然有遲莫無及之歎今夫荒澗寂寞之濱朝誦暮絃豈無其人哉安知其不與予同此感也輯而錄

之家傳人誦則不必皆至白鹿洞而已盡之矣
王禕遊白鹿洞記去郡北行十五里至羅漢寺路歧
而二其西入棲賢谷東則至白鹿洞也北至兩山勢
回合當其合處澗水出焉過澗逾小嶺嶺有缺若關
門然入關路循澗北並山轉澗南皆良田也約二三
里乃至書院其址當五老峰下燬已十五年樹生瓦
礫間犬且數圍有石橋曰濯纓其左又有石橋曰枕
流過枕流從烈女廟登北岡岡上有大杉木六七百
年物也今伐為御殿木矣書院所存獨此二橋從卒
指殿堂齋舍及風泉雲壑樓故處以告甚歷歷慨想
昔日規制不可復見矣或云從此右折東南逾重岡

行二三里乃至白鹿洞從洞後右折陟嶺乃可到尋
真觀望水簾也不果往徘徊久之而還

井泉湛若水四勿總箴心含天靈灑氣之精與地廣
大與天高明惟精惟靈貫通百體非禮一念乾知大
始事雖惟四勿忘則一如精中軍八面却敵精靈之
至是謂之幾頽復不遠百世之師聖遠言湮多岐支
離一貫四勿毋二爾思

朱晦翁尋白鹿洞故址愛其幽邃議復興建感歎作
清冷寒澗水窈窕青山阿昔賢有幽尚眷言此娑娑
事往今幾時高賢絕來過學館缺廢址鳴絃息遺歌
我來勸相餘杖策舉綠蘿謀野欣有獲披圖知匪訛

廬山紀事卷七
永懷當年盛莘莘，衿佩多博約。感明恩，涵濡熙泰和。
淒涼忽荒榛，俯仰驚頽波。發教見綱紀，喟然心靡他。
伐木循陰岡，結屋依陽坡。一朝謝塵濁，歸哉碩人過。
次卜掌書落成，白鹿佳句重營舊館喜初成要共群
賢聽鹿鳴三爵何妨奠蘋藻一編詎敢議明誠深源
定自閒中得妙用元從樂處生莫問無窮菴外事此
心聊與此山盟

李夢陽白鹿洞別諸生詩東南自有匡廬山遂與天
地增藩衛山根挿入彭蠡湖崢嶸背殺三江勢地因
人勝古有語於乎萬物隨興廢學館林宮客不棲干
巖萬壑堪流涕文采昔賢今尚存講堂寂寞對松門

松門桂華秋月圓柱杖高尋萬古源梅嶺古色照石
鏡扶桑丹霞迎我軒絕頂坐歌霜月淨石潭洗足芝
草繁更有冠者五六人峭崖窮嶂同攀攀草行有時
聞過虎旦暮時復啼清猿我今胡為公務牽蟋蟀在
戶難久延出山車馬走相送落日遂上鄱陽船生徒
縵戀集涯滸孤帆月照仍留連情深過厚亦其禮誦
薄竊愧勞諸賢明朝伐鼓凌浩蕩五峰雙劍生秋煙
吳遵白鹿洞示諸生詩五峰高出五雲端精舍晴開
翠鬱盤百世流風瞻俎豆兩間元氣重衣冠岩頭草
色春將遍樹裏嵐光晝亦寒薄暮詠歸情未已尚餘
幽夢繞清湍

何遷白鹿洞書院詩白鹿山中放鶴遊匡廬風日古
尼丘三泉倒吸長江水五老橫飛彭蠡秋
孫應鰲重遊白鹿洞歌白雲初開瀑布飛逸客復來
登翠微山影照耀轉日暉忽忽滿空煙雨霏穿林度
岬苔蘚腓野花襲人香氣馥洞口波長沒釣磯石脈
泉溜衝荆扉愛景步涉忘曲磻隨到杯酒相與揮氣
志瀟洒偕音微盤桓送目未云幾群峰散紫晷色希
不覺明月乍沾衣濯出混沌流光輝移陰曜彩星宿
稀嘯歌逍遙言旋歸心慮澹然理無違世事浩渺何
是非回首陳迹莫歎歛古來曾點得所依不見舞雩
與沿沂六極放懷且忘機松風悠揚露漸晞

九江守朱曰藩白鹿洞詩澗水觸石鏘鳴瓊桂樹叢
生山之幽山南初熹到白鹿水北恰當逢女牛入耳
蜩螗休太沸會心龍夔自知求回看五老好容色蕭
洒江湖遡早秋

提學王宗沐朋來亭詩孤亭縹緲四無鄰今古匡廬
望裏春俯仰乾坤須著此主張風月更何人洗心懶
境終非靜避俗耽山亦是塵未喪斯人吾黨在莫交
虛度電光身

孫應鰲和韻詩欲向茲峰早卜鄰開花鳴鳥八千春
採芝常想寬閑野避世應歸磊落人忍使白雲依水
石畚憐黃髮老風塵玄珠象罔何由得姑射山中信

有身黃髮長風坐古松
翰林王希烈遊白鹿洞詩
偶繫扁舟湖水濱
穿雲躡屐破秋旻
丹霞迥隔紅塵界
瑶草長留玉洞春
真儒誰地主纔登蓬島
即天人朋來亭上開
新酌五老叅前成主賓
九江判方子翕春晚過白鹿洞詩
擁旌春暮入山扉
白鹿收鳴古洞微
卽座生香芳樹合
滿亭空翠夕陽歸
雲埋脩竹侵書案
風送飛花上客衣
吾道本來無物相
眼前活潑是真機

詹仰庇過白鹿洞詩
白鹿幽居喜共臨
青山到處好相尋
天開仙掌雲爲色
澗落珠簾雨作音
四壁圖書寒竹潤
千年廟宇瑞煙深
我來猶負匡君約
獨對孤亭繫此心

桑喬生曰羅輅洞榜三事云
洞學今爲遊觀之所
官司往者皆多擁騶
從張氣勢下吏畏罪
盛供具事奔走以自
容所耗民財甚多
民貧不能祇承一也
洞學殿堂齋祠館舍
庖湍靡不具備有司
者以時修飭之可以不廢
頃者諸司務出新意
建亭榭以自標置事
在上司片言耳而耗
財勞民二也頃者洞
田賣遠買近紛更混
淆易生弊端而洞主
兼督租事出納繁雜
亂心奪業奸民玩愒
威令不能行又建昌
縣民以別府地遠多
逋負租不時輸三也
呂柝新闢白鹿洞記
曰奈何費田屋以業
遊

山疏華蓋石在石牛山東南二里所與楊梅橋相值
上大下小其上圍三數丈戴以一榦亭亭如張蓋故
謂之華蓋朱晦菴詩云祇應來自太微垣

朱晦翁題志朱仲晦父與王之才楊子直蔡季通胡
子先鄧缺老胡仲開同飲此石望五老峰淳熙七年
上章困龍孟缺癸酉缺書

石劖風雩二大字亦晦翁書

朱文公熹華蓋石詩醉扶藜杖少盤桓四遠烟蘿手
自捫此石至今無處問祇應來自太微垣

周頥聖壽無疆頌廬山草茅臣周頥撰并書序曰臣
聞大德必得其位必得其祿必得其名必得其壽今

皇天以是全美眷于我有宋恭惟光堯壽聖憲天體
道性仁誠德經武緯文紹業興統明謨聖烈太上皇
帝道運無積功成不居蕩蕩巍巍與天同造耆齡延
長振古未有皇帝卽位之二十四年申命有司討論
典禮十二月二日加奉上尊號冊寶越明年元日率
群臣詣德壽宮上壽肆推慶澤用大賚于家邦於戲
盛矣哉臣幸際亨嘉身同鼓舞宜有歸報之辭殫厥
形容之美勒諸名嶽震耀無窮謹拜手稽首而作是
頌頌曰聖皇丕承駿命誕膺紹開中興六龍御天握
符總權三十六年尺土一民涵和養醇如海如春神
器宅中付以至公退養淵冲揖遜寥寥惟我熙朝視

古陶姚功隆德兼帝心日嚴養以色占龍樓燕間問
安既還喜見天顏顯號重都玉鏤金塗三騰萬呼王
春履端慶典隆寬聳爾聽觀晨光初霞清蹕翠華肅
無敢諱簫韶九成合奏在庭千官列星皇帝奉觴以
介鴻龐來崇來降雨露恩深曠儀自今萬國謳吟小
臣何知敢無祝辭百拜申之願聖人壽八千歲周為
春為秋願聖人壽垂佑至尊廓清乾坤願聖人壽至
尊躬迎玩意神京南斗之傍五老昂昂祥煙壽光作
頌維何蒼崖可磨書刊嵯峨聖壽日躋茲峰與齊億
萬年今淳熙十四年秋八月刻石五老峰前奉議郎
權知江州軍州兼管內勸農事偕紫臣王漑朝請郎

權發遣南康軍兼管內勸農事賜緋臣葉蓆
歐龍雲菴

華嚴寺東北有龍雲菴

南康志永福院舊名龍雲菴在凌霄峰下僧岩頭齋
建林甫文也

山疏寺傍山而居與九疊谷口相距間去山其西

有龍雲洞其南有瀾水不知名

寺側有雨花洞在凌霄峰下觀山尋真觀

龍雲菴東北為觀山

三山疏觀山在五老峰東以尋真觀名山峻削其半有

白龍潭舊志有金蛇時時出潭中禱雨輒應舊有惠

澤龍王廟今廢其水曰尋真源中縣西縣志蓋有
三疊泉水出壑並觀山而下與龍雲菴南澗水合逕石
牛山為相辭澗觀山
觀山之下有尋真觀尋真觀
尋真觀者女真蔡尋真之所居也

真僊通鑑蔡尋真者侍郎蔡某女也李騰空者宰相
李林甫女也幼並超異生富貴而不染貞元中同入
廬山蔡居詠真洞天九疊屏南李居九疊屏北凌雲
峰下並以丹藥符籙救人疾苦三元八節會于詠真
洞以相師資講道九江守許渾以狀聞昭德皇后賜
金幣闢土田已而蛇去門人收簪簡瘞于舊居鄉俗

歲時祀之不絕其後昭德崩許渾入朝因請賜觀額
以昭追奉詔以詠真洞為尋真觀騰空所居為昭德
觀山疏後燬觀前石橋亦崩圯詠真洞與尋真瘞處
不知所在

舊志漢武帝過九江築室屏風疊臨相思澗曰羽章
館山疏非也史記漢武帝元鼎中越欲與漢用戰船
逐乃大修昆明池以習水戰列觀環之有館曰豫章
館言將出師豫章也非廬山事且漢武時烏有相思
澗之名哉澗
夷堅志陳東靖康中飲于京師酒樓有倡打坐而歌
者東不之顧乃去倚欄而歌望江南音調清越東不

覺傾聽視其衣雖故弊然時時揭衣爬搔微露其膚
瑩潔如雪乃復呼使前再歌之其詞曰闌干曲紅颺
繡簾旌花嫩不禁纖手捻被風吹去意還驚眉黛蹙
山青鏗鐵板間引步虛聲塵世無人知此曲却騎黃
鶴上瑤京露冷月華清問詞孰爲之曰上清蔡真人
也言訖得數錢卽下樓去亟使追之已失矣李定記
宣和中太學士人會飲任氏酒樓有婦人妝飾甚古
而無左臂執鐵拍板唱云云曰上清蔡夫人法駕導
引曲也妾本唐人五季之亂左手爲賊所斷今遊人
間因求飲與之杯飲出門忽不見山疏上清真人不
知何所指紀遊集錄之彝真觀曰卽蔡彝真也未知

是否宋時京師歌者不招而前謂之打坐

唐呂溫恭同夏日題彝真觀李寬中秀才書院詩閑
院開軒笑語闌江山併入一壺寬微風但覺杉香滿
烈日方知竹氣寒披卷最宜生白室吟詩好就步虛
壇願君此地攻文字如煉僊家丸轉丹

虛白館王川門嘗言山疊水口其兩崖壁立萬仞間

舊志虛白館在觀山下今廢

紀遊集前有雙澗流旁有獅子峰後有靈龜峰虎嘯
崖麻姑崖列于四隅別是一壺天也
觀山之北爲麻姑崖崖上爲太鵬峰
山疏麻姑崖在九疊谷東北崖巉削童赤壁立數十

百仞其下有普菴洞谷東北巖巖峭壁亦整立幾十
舊名鐵壁峰半崖有石榻子在麻姑崖東南懸崖上
皆鑿石為之方目疏楞如出鬼功去地數十丈傍有
誌刻高不可辨間或亦有碑千筆刻有靈龜半乳 旁有毘盧峰其下有玉川門門內有鐵壁精舍

山疏玉川門者當山疊水口其兩崖壁立萬仞澗從
中關路行處兩石相磕中穿一竇遊者低首而進其
石色白如玉故名

鷹觜峰瑞雲崖九疊屏一壺寶塔風回覺清香
五老峰東北為鷹觜峰瑞雲崖李震中亦大書到詩閣
南康志鷹觜峰在五老峰側九疊屏上坐

山疏瑞雲崖在鷹觜峰下通五老峰前皆是八井
為九疊雲峰清江雜錄本經鷹山與東來並皆與

舊志九疊屏在五老峰東北天
山疏九疊雲屏者亦謂之屏風疊亦謂之九奇峰山
縈九疊如屏也在麻姑崖西北李詩中

參議孫應鰲雲錦屏詩日出烟分道氤氳亂眼前屏
開天上錦花發鏡中蓮寶果對吐書
疊屏之上有三石梁曹錕集千巖一寶塔回示世人梁

紀遊集九疊屏有三石梁其長數丈其廣不盈尺橫
絕青真人罕能至以其半煇對滌千尺車至一試良
述異記咸康中江州刺史庾亮迎吳猛至州猛將弟

子登山遊觀過梁見一老人坐桂樹下以玉杯盛甘露與猛猛飲其半以其半飲諸弟子又進至一處見玉宇金房輝彩眩目多珍寶玉器有數人與猛共言若舊識為猛設玉膏猛弟子竊一寶欲回示世人梁卽化纖細如指猛使還寶梁復如舊

山疏今九疊屏巔五老峰上與大月山皆人跡所到並無所謂三石梁者詳真開先寺語中

咏真洞天

紀遊集五老峰上有詠真洞天

洞天靈跡記鄂州劉德本避亂廬山遇鹿裘道者與俱至五老峰下深澗中有大石門正關者老人扶策

倚門立見德本卽邀與俱入乃大石洞也洞中別有天地風日和煦花樹芳蔚曼異人境行數里有大宮殿金碧煥爛呵衛嚴甚榜曰紫元景曜之門老人曰此九天使者所治也德本欲求見使者老人不可因復出門逡巡失老人及道士所在山疏據此則詠真洞天乃靈境化見非五老峰上

疊屏之下有九疊谷

山疏九疊谷卽三疊泉壑也谷兩崖峭壁數百千丈怪石錯列塞途廬阜之谷此最險矣

南康志識真亭在三疊泉谷中朱晦翁興復鹿洞時嘗往來谷中故建今廢

河岳山人遊廬山記九疊谷山中人言遊者往往值風雨昔有人遇物如犬而大長頸而白癭逐其人且將噬之疾走乃免

三疊泉

九疊谷內有三疊泉

山疏三疊泉者亦謂之三級泉亦謂之水簾泉泉下注磐石三疊而後至地也在五老峰背

凡欲適三疊泉者其始並觀山下澗南行行浸至谷口則逾澗北行行三數里當人所行道有小洞如門可通人行俗謂之關門石劉世揚謂之玉川門其北壁有世揚玉川門三大字李夢陽謂之白鹿洞夢陽

遊廬山記入壑行並澗路石漸巉崑數里至白鹿洞此澗之鎖口也群峰夾澗峭立巨石怒撐交加澗口水湍激石闢旁有罅人偃僕穿之過洞復並澗轉北行數里至水簾泉然路過澗愈險絕行徑鳥道石罅間人跡罕至矣

三疊之水出自大月山之東北由五老背而東注焉凡廬山之泉多循崖而瀉乃三疊泉不循崖瀉由五峰北崖口懸注大盤石上裊裊如垂練既激於石則摧碎散落蒙密紛紜如雨如霧噴灑二級大磐石上會為洪流下注龍潭轟轟萬人鼓也蒼崖峭削中豁如門有石橫亘龍潭之昏如闕謂之水簾洞紀遊集

上級如飄雲拖練中級如碎玉摧冰下級如玉龍走
潭散珠噴雪真天下絕景非谷簾瀑布所可方也李
夢陽遊廬山記勢如遊龍飛虹架空擊霆雪翻谷鳴
真廬山第一觀

石劉宋嘉定及元呂師中刻皆漫漶不可識又潭中
石柱刻宋紹熙缺年缺月太守史文卿至此又天泉
二大字又北崖劉谷簾泉三大字又三疊泉源出大
月山下九字又三疊泉上有刻高不可辨

朱晦翁與黃商伯書新泉之勝聞之爽然自失安得
復理杖履扶此病軀一至其下仰觀俯濯如昔年時
或有善畫者得為使畫以來幸甚五老新瀑曾往觀

否夢寐不忘也新泉圖子與和成既為定藁必已能
盡寫其佳處只就覓此草本不必重摹俗工或能反
敗人意也自聞此泉新出恨未能一遊其下以快心
目濺雷噴雪發夢寐也瀑圖韻譜近方得之圖張屋
壁坐起對之恨不能到其下也又與楊伯起書白鹿
舊遊恍然夢寐但聞五老峰下新泉三疊頗為奇勝
計此生無由得至其下嘗托黃商伯陳和成摹以來
摩娑素墨徒以慨歎

元趙孟頫水簾泉詩飛泉如玉簾直下數千尺新月
如簾鉤遥遥掛空碧

禮部文矩子九疊屏詩吾聞匡山雲錦九疊之勝

神所栖界天絕壁雲為梯鳥飛摩霄注壑不可到上
有泰始之積雪下有歷劫之水漸靈岫僊崑虎豹遠
綠樹杳杳青猿啼蔡元君騰空于今何處桃花石室
遍崑戶捫箕歷軫欲上去轉迷中有神君指僊路石
梁浮空來浩然啟天關手捫五老頂足躡香爐烟但
見飛霞笑電搖光九道疊雲錦天河中斷摧鐵山鐵
山何截莫素浪決出崑崙巔懸流一瀉數千仞跳珠
迸出與石恣鬪却上倒作雪濤翻長松吹香灑晴霧
玉泓直下含清寒嗚呼安得南箕為杯此水為酒手
携雲旗喚王母持獻吾君千萬壽暢皇風包九有七
十二君同不朽却容三十六帝有外臣盡乞南山種

三秀清水黃塵一回首廬君此意今知否

參議孫應鰲水簾泉詩映月星平散穿雲玉亂披不
妨人到少瀑布足稱竒

桑喬生曰三疊泉竒勝為廬山第一李太白朱晦翁皆
未之見非遺之也其時泉尚隱人不之知也朱子解郡
之後有樵者昉見而傳之朱子書所云新瀑是已宋劉
過三級泉歌五老峰北嵯峨巔龍泉三疊來自天只疑
開闢便有此山靈榛蔽經幾年一朝何事失局鑰樵者
得之人共傳欲往從之不憚遠幽豁絕壑難攀緣聞者
或未信故述之三疊泉下有鈴岡嶺

山疏鈴岡嶺卽三疊谷北崖東人所謂大山是也其

下有觀音岩觀音洞
石相積疊如磨

嶺之南麓有大石如亭松蘿蒙密天風吹之開闔動
搖谷響應之若有人居莫知為何所也

舊志觀音洞深進半里許
洞旁有竹林寺遺跡

石劉竹影疑踪四大字翰林鄧旭書
其洞上山嶙峋東走為大梁津

山疏大嶺過脉下結青山其大梁津長數十丈廣不
盈尺四旁皆山下臨無地形如大梁通五峰東道故

名大梁津

石牛山相辭澗

觀山之南為石牛山

山疏石牛山鹿洞志謂之鬪牛山紀遊集謂之卧牛

山相傳女真蔡尋真李騰空所憇以奕棋處也山上

有棋盤石

其南有相辭澗

山疏初唐李林甫女師事蔡尋真與俱入廬山學三

洞法以丹藥符籙治人疾若其後術成李去北居昭

德觀蔡乃留居九疊屏下别于茲澗之上故曰相辭

澗今人謂之相思澗舊有相思橋今崩圯來

匡疊之水逕石牛山出為相辭澗

相辭澗之墟有元集虛隱居

山疏唐元集虛河南人貞元元和間避地來居廬山

相辭澗白樂天在江州時嘗與往來隱居今不知處

白樂天題元八谿居詩溪嵐漠漠樹重重水檻山窓

次第逢晚葉尚開紅躑躅秋房初結白芙蓉聲來枕

其上千年鶴影落杯中五老峰更愧殷勤留客意魚鮮

飯細酒香濃又雨夜贈元十八詩卑濕沙頭宅連陰

雨夜天共聽簷溜滴心事兩茫然把酒循環飲移床

曲尺眠莫言非故舊相識已三年山疏樂天又有題

元十八溪亭詩元皆居廬山下不知孰為集虛

長嶺迴風寺青山

石牛山迤東傍湖有山獨峙是為長嶺其下有迴風寺

南康志迴風寺在迴風觜去郡東北二十六里宋僧

慧益建其西有馬頰湖

長嶺東北有山是為青山

山疏青山在大廣湖東並湖湖漲則在水中央

其上有桃花菴菴多碧桃花故名

青山東北有白石觜又東北乃至大孤山

香山佛佑菴登雲寺固城山石子山

石牛山東北有山曰香山其上舊多香草其下有佛佑

菴西康山志佛佑菴在香山下稍西去石牛三數里景泰中

山疏佛佑菴在香山下稍西去石牛三數里景泰中

僧弘贇建菴於香山平西去石半三爨里景泰中

菴西南山有洞如石屋洞前有九猪澗龍王井

山疏龍王井在菴側九猪澗俗呼為野猪窪在菴南

其側有石屋菴之東北有古佛菴

女真潭在菴東北女真不知何神鄉人皆迎祀以祈

雨澤淨惠主丁僊佛佑主女真

女真潭水九猪澗水合流南入大廣湖

佛佑菴東北有登雲寺

山疏登雲寺在香山南僧登雲之所建也登雲不知

何時人亦不詳其行履寺後有登雲石其生平所宴

坐處也相傳以為昔有僊真於此飛昇云菴後廢我

明景泰中僧月朗重建

徐道人著天池所祀四僊之一也嘗脩煉於登雲至

今祀之以為祖焉

登雲之水逕固城山西南流與女真潭水會

香山之東南有山三曰固城山曰石子山曰茶山嶺

山疏固城山在香山南登雲寺口

石子山在固城山東南其東即大廣湖

茶山嶺在石子山北其東為穀山湖

卓嶺在香山北其東為卓嶺

香山之東北其相峙者為卓嶺

山疏嶺夷曠其巔有田三數十畝其西息德諸山迅

吹時發禾善敗歲恒不獲
卓嶺之東有昭德觀

山疏昭德觀唐女真李騰空之居也今廢觀有方竹

今不存

宋無為子楊傑昭德觀碑騰空本公卿家初從蔡女
遊咸有道術以丹藥符籙救人疾苦三元八節會於
詠真洞天九江太守柳萇以狀聞今疊屏下大溪噴
激白雲蒼崖物象勝處即騰空所居也及解蛇弟子
收簪簡瘞于舊居唐昭德皇后常施金幣闢土田因
建昭德觀而名其溪曰昭德源皇佑中賜名延真
李太白贈李騰空詩多君相門女學道愛神仙素手

掬青靄羅衣躡紫煙一往屏風疊乘鸞著玉鞭又送

內尋李騰空詩君尋騰空去應到碧山家水春雲母

大碓風掃石楠花若戀山居好相邀弄紫霞

朱晦翁昭德源詩景幽人跡少惟有紫源長水接天

池綠花分繡谷香僧閒多老夫寺古半荒涼却怪尋

寺山客何由到上方

屋脊嶺女兒城麥社山大麥社劉家砦山大澗山

帶恩德嶺大山馬英山淨慧寺張家山大城寺

卓嶺之北有大谷入谷西南行則至牯牛嶺當嶺之東

南有山曰屋脊嶺兩山之間曰女兒城

山疏屋脊嶺者牯牛嶺之支也嶺巉削石角立齶齶

然如攢劍戟劉世揚名之曰廬山最高處自立齋齋
女兒城在牯牛嶺東元末人所據以避兵處也兩山
迴合東豁如門人谷西俯平隄至於中巖當巖之東
箒子林在女兒城東地多叢篠可用為箒地寺
屋脊嶺東北有山曰麥社山其下有太麥社中有仁王
寺上菴中菴下菴

山疏太麥社元人避兵時所種麥處也並京味神尊
上菴下菴俱在大麥社舊有仁王寺今廢寺水對天
大麥社東北有劉家砦山

山疏劉家砦山在大麥社北昔人於此結砦避兵故
以名山劉氏蓋其長也有洞曰劉家砦洞亦避兵時

所嘗居今遺骸刀劍槃盂狼籍其中又多伏翼群飛
掠人炬不得燕人無敢入者

王家坡在劉家砦山下亦故砦地也

大麥社之西南為海螺城山形如海螺堆疊故名

劉家砦之北即蓮花三峰自大麥社北望劉家砦山
外有山縹緲微露其巔者雞公石也

大麥社南有大澗山其水曰大澗曰磨刀澗

山疏大澗山在大澗南山巉削骨立齶齶然如屋脊嶺

大澗出大麥社山南破中循山趾東北行

磨刀澗出大澗山南山破中水涓涓流微泉也東北

行與大澗水合

鷄子石在磨刀澗西石甚雄偉

大麥社東有山曰恩德嶺其上有朝陽洞

山疏恩德嶺在大麥社東而橫出阨其下流嶺高峻道險阨大澗水與磨刀澗水合而走其下傾崖百尋徑不盈咫舊有朝陽菴今廢有洞曰朝陽洞

山疏大山卽鈴岡嶺之末也在香山北極高高乃倍於恩德嶺

南康舊志云凌霄峰在昭德觀北上有詠真洞天

山疏真僊通鑑明言咏真洞天在九疊屏南今何以云在昭惠北且昭惠之北卽張家山破山諸處烏有所謂凌霄者哉真僊通鑑曰騰空居九疊屏北凌雲

峰下今大山去昭德不數里疑卽所謂凌雲峰云

恩德之南爲索子澗出大山山破中無泉源以雨暘爲盈涸山破幽邃饒竹樹日月光所罕及精靈萃之人暮樵有死者

恩德之東北有小山曰馬英山其僧舍曰淨慧寺

南康志淨慧寺卽宋昌院建于宋初江州守李逢宗爲之請額祥符中改今名天順初僧繼成重建**山疏**寺爲天池東道

丁僊井在淨慧寺西丁僊不知何許人相傳蓋牧豎也戲爲巫引繩自絞卽死死而能神靈鄉人迎祀之以祈雨澤多應或家祀之以爲福神而祈福云其井

深不可測

舊志紀遊集大士泉有二穴上水下涸蓋瀾洑也爾

雅泉一見一否為澱一有水一無水為瀾洑蓋亦澱

山疏索子澗水逕香山出恩德嶺東與大澗水磨刀

澗水浮橋山水合而出淨慧寺

馬英山東北為張家山其下有大成寺

山疏張家山在淨慧寺側數峰連亘宋張季膺之所

居也季膺事無可考

南康志大成寺在張家山南平陸宋乾道中僧雪峰

建

山疏大成之墟其山如城其地曰高壠

大成之水南行與淨慧水合逕笠山入大廣湖

浮橋山浮橋菴佛頭峰大雄菴

大成之東北有浮橋菴

山疏浮橋山當劉家砦東北極高峻然無名以浮橋

菴名

浮橋菴在浮橋山半正統中僧德觀建澗險邃道紆

伐木為橋以濟不通故名菴後有花果園前有馬尾

水東北有牛角衝

浮橋之東北為佛頭峰其下有睡龍潭其僧舍曰大雄

菴

山志大雄菴唐僧尋山建兵廢正統中僧惠嚴重建

廬山記卷八
山疏佛頭峰在牛角衝北大雄菴在牛角衝東

玉巒峰慧日寺破山

佛頭之東北為玉巒峰其下有僊居洞

山疏玉巒峰者雙劍峰之南也峭峻如削碧玉

玉巒峰下峰巒迴合中豁一區岌業靖深謂之僊居

洞白龜池在洞內今涸

宋錢聞詩仙居洞詩僊客神人幾度行環山岌業似

重城有門不掩寒溪月終日水流無盡聲

其僧舍曰慧日寺

山疏慧日寺在僊居洞宋僧如義建兵廢天順間僧

慧廣重建

慧日之僧二曰文雅禪師曰明禪師

慧日寺後有水規衝其北至九峰菴

玉巒峰前有山曰破山

山疏山石骨立巉削如裂

僊居洞水東南流慧日之水逕破山南流共入穀山湖

鷹觜崖智林寺雲頭菴

玉巒峰東北有鷹觜崖青牛洞

山疏鷹觜崖在僊居洞東北火山之南也崖高峻其

巔卽太平宮道士劉虛谷所坐逝處

青牛洞在鷹觜崖西卽非青牛谷

其僧舍曰智林寺雲頭菴

南康志智林寺卽慈雲院在青牛洞前晉僧齊法建
天順初僧惠宗重建

山疏雲頭菴在智林寺西南今漫廢

智林寺水東南流與慧日之水會

桑喬生曰智林巨刹也往南宋時多名僧與寶峰萬杉
將稱有音首坐者方大慧杲未竄衡陽時常正辭箴其
闕失旣竄又遺書勉以自盡其所相與宛乎聖賢道德
禮義之風嗟夫孰謂學異端者能爾耶又曰唐宋時叢
林之長皆司府所擇授其人尊其品式嚴僧行敬畏其
教易行今廬山惟東林天池二寺住持部授曹主寺事
迎送上官非大禪德人不宗信近亦不聞有部授者而
諸他寺皆僧自住種浸以廢圯矣

廬山紀事卷八

廬山紀事卷九

廣陵桑喬子木

山北由吳章山東北行至南湖菴

吳章山香爐峰紫雲菴

鷹嘴崖東北為吳章山

山疏吳章山者匡山之末也或謂之吳鄣山吳鄣者吳所保鄣也或曰山卑不足以言鄣蓋昔有吳章者家此山下既死即葬此山故名山巔有官亭

吳章山東有小山亦名香爐峰然卑不甚著其上有紫

雲菴

吳章馬祖山馬祖寺香積寺大孤山

吳章山東南是為馬祖山其上有馬祖寺其東有香積寺

山疏山特起南接茶山嶺趙清獻公有同國博周惇頤遊馬祖山詩

馬祖寺在馬祖山巔馬祖者唐僧道乙也初達磨直指明心教人授一人謂之單傳至慧能而傳始廣慧能再傳至道乙與希遷傳愈益廣乙之弟子入室者一百三十二人相傳乙常寓此山故以名寺

馬祖石馬祖泉馬祖洞白蓮池皆在馬祖山香積寺西有虎洞與馬祖洞通

馬祖山水其一逕夏家橋女兒港入彭蠡湖其一逕廣

信橋黃婆黃入彭蠡湖

馬祖山東北為大孤山其側有女兒港

山疏大孤山在鄱湖濱其末突出湖心數十丈其北

又即女兒港

女兒港不知其所由名在大孤狀可泊舟我明學士

其曾祭有女兒港詩

廣信橋在女兒港西北今崩圯

塔尖山龍泉寺仁壽寺金沙洲鞋山

吳章山東北有小山為塔尖山其下有龍泉寺

九江志龍泉寺晉僧遠建元末兵燬洪武初僧祖觀

重建龍泉在寺內淨陽舊志井即晉僧慧遠以杖刺

地出泉天旱誦龍王經致雨處也山疏十八高賢傳
言慧遠構菴於西林之東以居曰龍泉精舍其後桓
伊為之請立寺曰東林則遠之龍泉即今東林寺也
蓋假託其名云
方竹大者可任為杖
其東有仁壽寺

山疏寺不知何代建株橋在仁壽寺東北
又東北有金沙洲

山疏金沙洲在女兒港東北洲皆白沙水漬而日映
之粲如黃金色故名我聖祖與陳友諒戰鄱湖時嘗
艤舟於洲下友諒有術士能以術為兵嘯風揚沙風

忽轉為我友諒軍盡暎我師殲之洲上白馬洲
龍泉之水逕株橋入方塘湖

金沙洲東大湖中有小山是為鞋山
潯陽記山形如鞋高數十丈大禹嘗刻石紀功有乞
食鳥嘗逐客舟行舟人搏飯投之即接食高下不失
水經注孤石介立大湖中上生林木而飛禽罕集言
其上有玉膏可採所未詳也耆舊云昔禹治洪水至
吳此刻石紀功或言秦始皇所勒石劉米元章眠雲二
字

搜神記嘗有估客舟下都者過之見二女子謂曰至
都幸為我買兩鞞絲履估客意其神也至都即為市

履盛以小筍并置書刀其中比還至廟薦筍履而去
忘書與刀舟方帆去聲忽一鯉躍入舟剖之得刀與書
洞林山覆船山方塘湖

吳章山北為洞林山

山疏陳友諒之攻南昌也嘗立柵於洞林之上屯健
卒以扼鄱湖塞吳章山道其將嘗乘一白馬友諒敗
其衆殲焉後遂為厲每風雨中行者聞其上如有人
聲皆畏惡之樵採者莫敢犯也山有石數十條亦當
時遺物盡委棄榛莽中莫敢取有雷某氏者取數條
歸以甃其新宅俄而其新宅火懼亟醮謝之而盡棄
其石不用乃安村民禱祀者必先祈焉曰白馬將軍

洞林山北有邃谷曰硤石

山疏硤石路由兩山間隘而深如永巷過此即沃野
水竹森茂一佳境也

洞林山東北有小山曰覆船山其北有方塘湖

山疏吳章山東北湖之名者以十數方塘湖最大東
西長十數里其水東北流歷磨石壠入鄱陽湖
陳和橋亦名黃荆橋在方塘湖北

長嶺陶九相公墓牛頭山

洞林山迤北有小山為長嶺

山疏磨刀澗在九江府東北五里所三起黃土諸小
山北之水會而下流者也其上有橋近崩圯其北即

白水港白水湖

長嶺者栗樹嶺之支也在磨刀澗東北蜿蜒行長可十七八里其支條分蟻糾曼衍不可枚數其濱江者皆溯水而西為郡城屏護其最西盡乎湓浦之上郡城在焉其勢踴躍奔湊為最勝云

長嶺之東有陶九相公墓

紀略至正壬辰天完將陶九以兵陷瑞州癸巳江西行省左丞火倫赤復瑞州陶九敗走

山疏陶墓在長嶺之末方塘湖濱其地有九水會焉曰九龍灣相傳葬者陶九之大母非陶九也故老云陶九大父葬烏風洞大母葬九龍灣今墓是也乃陶

九不知死所亦不詳其墓處云墓所有社壇弘治前民惟祭社壇不祭墓正德中九江大旱有僧謂湖濱諸父老曰諸神能拯茲旱者惟陶九耳今其像乃在黃梅五祖寺之廡下諸父老怪之因相率往訪之果有像乃鑿沉香為之者質具而未飾也相率迎歸飾而籲之果大雨因以為土神而傳祀之祀事自茲始矣墓高僅一二尺村氓每歲以五月五日九月九日迎像祭墓曰九相公上塚墓有神靈無敢斬其丘木即老木摧折卧地至腐蠹無敢睨視而鄱湖故有魃魚怪能鼓浪乘風雨而飛歲率以九月上旬入方塘湖抵墓所而還謂之朝墓來則風雨晦冥水驟湧魚

柵木拱把者當之皆斷折凡欲蓄魚方塘湖者必謹祀墓否則其怪必潰堤裂圍引衆魚去土向入其

陶墓之東是為牛頭山陶墓無姓碑財而

山疏牛頭山在磨石壠東北麥苴湖在牛頭山西木

長嶺之支東北出其上有敗垣曰高山廟曰六月六日

山疏廟西有安仁鋪廟東北有桃花壠陶家山崇德

鋪東北則至江磯山南湖菁山而未

又東北為江磯山江磯寺南湖菁山

山疏江磯山北有銅錢灣其西有江磯湖舊有江磯

寺今廢

江磯寺西南有迴風磯白石磯下石窩石窩之石乃

在江水中水落則見柞港湖在下石窩西南港水出

於搖旗壠搖旗亦因我聖祖戰鄱湖事然不可考柞

港上流有老鴉橋其西南有金雞壠上石窩皆長嶺

之支濱江西上者

又東北為南湖菁山

山疏南湖菁山在鄱陽湖口山迤邐突出湖心數里

左江右湖勢甚險東引鄱陽北俯楊家穴南控揚瀾

左蠡諸山而與青山白石相望為氣勢制禦水盜地

甚要山水旦夕四昔之變陰晴顯晦不齊之觀境甚

清

廬山紀事卷九
二
巡檢司在山北玄真舖在山西

箭室在山半相傳乃我聖祖戰鄱湖時所造箭處也
穴山為室繫篋環之篋口皆內向厚覆以土其鏃皆
銅鏃長二寸許人時有得之者巡檢司初居山麓嫌
於兵在其首也惡之因徙居箭室傍夷室為地其篋
皆糜碎惟一二存焉

將軍套港在南湖背我師扼江時於此作浮梁以渡
師或曰樹柵以遏奔衝者也今柵木為沙所壅猶見
其杪云

實錄開國之初歲庚子天完將陳友諒弒其主徐壽
輝而自立改國號漢都江州以兵襲龍江關大敗而

還辛丑八月我聖祖遂親征友諒攻江州廖永忠造
橋於舳曰天橋以舳傳城率軍士乘之入遂取江州
友諒奔武昌其將胡廷瑞以南昌降壬寅以鄧愈為
江西行中書省參知政事鎮南昌三月祝宗康太叛
知府葉琛戰死四月徐達定南昌五月命大都督朱
文正統元帥趙德勝等與鄧愈守南昌癸卯四月陳
友諒以兵六十萬破江州攻南昌朱文正等力戰禦
之遣千戶張子明告急於京師秋七月我聖祖復親
帥舟師二十萬人西援南昌友諒解圍東出鄱湖逆
戰遇於康郎山徐達迎敗其前鋒一巨艘死者千五
百人達回守建康戊子常遇春與漢人聯舟而戰俞

通海縱火焚敵舟二十餘艘而御舟膠於沙漢將張定邊直欲犯御舟常遇春射退之水驟湧而御舟進俞通海來援遇春通海永忠以飛舸追定邊定邊身被百餘矢走己丑用郭興策縱火船焚友諒戰艦數百艘偽王陳友仁陳友貴平章陳普略等皆焚死軍士殺溺死者十數萬人十里之內湖水盡赤庚寅廖永忠俞通海趙庸汪興祖以六舸深入搏戰我師乘之敵大敗辛卯又敗欲退保鞋山我師據嬰子口扼之不得出是夕我舟泊左蠡相持三日未決俞通海等言湖水多淺難迴旋若移軍入江據敵上流可以萬全劉基亦請移軍湖口以金木相犯日勝從之八

月八日我師移屯南湖甯江兩涯列砦柵布戰艦具火舟火筏中流傳警以俟友諒二十七日壬戌友諒糧盡遂沿江下流走禁江欲遯去我師追擊大破之友諒中流矢死俘其子善兒平章陳榮以餘衆十萬樓船若干艘降其夜張定邊以小舟載友諒尸及其子理奔還武昌

桑喬生曰昔我聖祖肇基血戰鄱湖時星列水師以據江勢濱湖諸山皆旌旗之藪勳勦之域也乃今承平二百年曩之砦柵皆化而為農畝喬嘗從並湖之遺老詢我聖祖天授之神謨將相之忠勤士卒之勇銳與蒙衝戰筏之所艤泊攻取遏敘之所踐蹂而皆莫識其故矣

沾濡雨露粒食宮居喏喏于于老死春花秋月之中民
生斯世一何幸哉

山北由吳章山西南行至三山澗

吳章山火山龍潭菴

吳章山西為虎山又西南為火山其側有龍潭菴

山疏虎山有石如虎與天花井山獅子崖對峙相傳
虎石夜出竊食人疇中雞因相率鑿其頤破壞之

火山在虎山西南邃谷中山石尖露曄曄如火其下
有龍潭有魚浮遊而不避人或曰龍也不可投以石

龍潭菴在火山西南黃茅衝下

天花井山寶積菴興福菴獅子菴

虎山西北為天花井山

山疏天花井山去吳章山五里所山頂砥平而中陷

為坎窞窞之內又有小池僧就窞而菴焉池乃在菴

之堂前因甃以為井而寺之西故有一井菴僧又別

鑿一井凡三井故謂之天花井其後有龍出僧厨下

而殿前之井遂堙其後菴數火遂徙馬尾水衝

湧水泉在山北朴樹凹在山西獅子崖在山東崖有

獅子石黃茅衝在獅子崖西南天花井山之背也天

花井山有水道如永菴高廣可一尋

其北有寶積菴其西有興福獅子二菴

郡志寶積菴在天花井山北麓宋紹聖三年僧允光

建元末兵燬宣德中僧道德重建成化中僧慈瑛正
德中僧行湧繼脩

天花井北之水逕濂溪墓西北行爲濂溪港

山疏興福菴在寶積菴西南山破中

獅子菴在興福菴西

烏稍嶺了髻山鳳凰山

天花井山之東北相比者爲烏稍嶺嶺西北爲了髻山
山疏天花井山雖居廬阜之末然其支散爲諸岡阜
所行甚遠其東北行者爲烏稍爲了髻而了髻之散
其支有九其大者爲鳳凰栗樹長嶺諸山而長嶺之
支西踰磨刀澗委蛇盤旋自潯東門入爲兵備道九

江衛九江府諸公署而盡於湓浦又小支自栗樹嶺
益西爲城南石塘鋪諸岡阜而盡於孫家湖山勢踴
躍軒軒然若飛若舞若揖若顧以趨潯陽九江府寔
處其末地甚勝而了髻山側又有地名天子堂然皆
穿鑿斷裂不完整自烏稍了髻以至潯陽東門之外
凡三鑿之而了髻所鑿處名缺子均當兩山間溝而
絕之深八九尺廣五六尺俗所傳銅釘狗骨厭勝之
說與程史所記無異而東門之壠乃鑿爲大渠通老
鶴塘當初鑿時其所鑿處其水皆赤如血然不的知
孰鑿之者或曰元順帝鑿或曰陳友諒慮兵敗爲他
人有故鑿或曰劉基惡友諒都江州得勝地使謀誘

之鑿渠以泄敗之或曰友諒既敗劉基以地形勝慮
生英雄覬覦之心故遂言于聖祖而鑿之也桑喬生
曰予行觀所謂天子堂者兩厓高明堂隘土人云舊
亦有竊葬者然不旋踵得禍遂發塚取柩去葬他所
今人無復有葬者

了髻山側舊有寶巖寺香嚴閑和尚之道場也

傳燈錄初閑事百丈海以辨博聞海未有以鞭辟之
也及海死閑去依為山佑為山業已先知之矣甫入
門卽斥其辨博通敏者以為意想見解皆業識所為
生死根本逆杜其口不使置一辭然後以父母未生
身時事微詰之閑無以應歸而遍索生平所習文字

亦無一言可酬對者閑大沮屢祈為山言為山固拒
不與之言閑既不得為山言又自求之不得展轉無
所依益大疑不自釋乃涕泣辭為山去止南陽佛舍
中自分絕望於禪道矣他日嘗自芟草擲瓦礫擊竹
有聲忽大悟遽歸禮為山為山始首肯之後入廬山
任寶嚴寺

了髻山東北為鳳凰山

山疏隔港橋在鳳凰山西北其水逕賀家觜入方塘

湖

栗樹嶺濂溪墓

天花井之西北有小山曰栗樹嶺

天山疏栗樹嶺亦名三起山，警山之支也。
其下有周濂溪先生墓。

山疏濂溪先生墓在栗樹嶺南。初先生少孤，與其母
僊居縣太君鄭氏，依其舅龍圖公。向居閩州，鄭名其
諸子以悼故先生，亦名悼。丁丑太君卒，卽葬丹徒縣
龍圖公墓側。後四十四年辛亥，先生爲廣南提刑，而
水齧太君之墓。先生因乞知南康軍，遂改葬太君於
江州三起山。明年壬子，先生卒，因葬諸太君墓左。蓋
治命也。墓雖面蓮花峰，而相去乃二十餘里。弘治庚
戌，九江守章潮始輯祠，置田以供祀事。廖紀爲記。後
十四年甲子，提學副使邵寶爲請於道州，取先生裔

孫周愉來主其祀焉。

墓道碑亭在石塘橋南，距墓五里，所題曰濂溪周元
公之墓道，今廢。

朱晦翁濂溪先生行實先生姓周氏，名惇，實字茂叔，
避厚陵藩邸名，改惇，願世居道州營道縣。父輔，成大
中祥符八年，蔡齊榜進士，爲賀州桂嶺令，贈諫議大
夫。母鄭氏，封先居縣大君。先生少孤，養外家。景祐中，
用舅氏龍圖閣學士鄭公，向奏試將作監主簿，授洪
州分寧縣主簿。先生博學力行，遇事剛果，有古人風。
其爲政精密嚴恕，務盡道理。縣有獄久不決，先生至，
一訊立辨。衆口交稱之。部使者薦其才，爲南安軍司

理獄有囚法不當死轉運使王遠欲深治之遠苛刻
吏無敢與相可否者先生獨與之辨不聽則置手板
歸取告身委之而去曰如此尚可仕乎殺人以媚人
吾不為也遠感悟囚得不死且賢先生薦之移郴州
桂陽令皆有治績用薦者改大理寺丞知洪州南昌
縣南昌人見先生來喜曰是能辨分寧獄者於是更
相告語勿違教命而以污善政為耻也改太子中書
舍人簽書合州判官事轉殿中丞一郡之事不經先
生手吏不敢決民不肯從趙清獻公為使者人或讒
先生趙公臨之甚威而先生處之超然也轉國子博
士通判虔州趙公來為守熟視先生所為執其手曰

今日乃知周茂叔遷尚書虞部員外郎通判永州權
發遣邵州事新學校以教人熙寧元年用趙公及呂
正獻公薦為廣南東路轉運判官三年轉虞部郎中
提刑獄先生不憚出入之勞瘴毒之侵雖荒崖絕島
人迹所不至處亦必緩視徐按務以洗冤澤物為已
任設施措置未及盡其所為而先生病矣因請南康
軍以歸趙公再尹成都復起先生朝命及門而先生
卒矣熙寧六年六月七日也年五十有七葬江州德
化縣清泉社娶陸氏封縉雲縣君再娶蒲氏封德清
縣君子壽燾皆太廟齋即先生所著書有太極圖易
說易通數十篇詩十篇藏于家先生在南安時年甚

廬山縣志卷九
十三
少不為守所知洛人程公珦攝通判事視其氣貌非
常人與語知其學為知道也因與為友且使其子顯
願受學焉及為郎故事當舉代每一遷授輒以薦之
程公二子皆倡明道學以繼孔孟不傳之統世所謂
二程先生者其原蓋自先生發之也在郴時其守李
公初平知先生賢不以屬吏遇之既薦諸朝又周其
困乏嘗聞先生論學歎曰吾欲讀書如何先生曰公
老矣無及也惇願請得與公言之初平遂日聽先生
語蓋二年而有得王荆公提點江東刑獄時已號為
通儒先生遇之與語連日夜荆公退而精思至忘寢
食先生自少信古好義以名節自砥礪其奉已甚約

俸祿盡以周宗族在南昌時得疾暴卒更一日夜始
甦或視其家一敝篋錢不滿百李初平卒子幼不克
葬先生護其喪歸葬之分司而歸妻子餐粥不給曠
然不以為意也廬山之麓有溪焉築室其上名之曰
濂溪因語其友清逸居士潘延之曰可仕可止古人
無意必所以束髮為學將有以設施加澤於斯民必
不得已止未晚也濂溪者異時與子相從於其上歌
咏先生之道足矣此其出處之本意也豫章黃庭堅
稱之曰茂叔人品甚高曾中灑落如光風霽月好讀
書雅志林壑不卑小官職思其憂論法常欲與民決
訟得情而不喜其為使者進退官吏得罪者自以為

不寬濂溪之名雖不足以對其美然茂叔短于取名而樂于求志薄于徼福而厚於得民菲於奉身而尚友千古聞茂叔之風猶足律貪則此溪之水配茂叔以永久所得多矣識者亦或有取于其言云

左丞蒲宗孟濂溪先生墓銘先生疾革時致書王安石曰上方興起數千百年無有難為之事將圖太平天下才智皆務自盡吾獨不能補助萬分之一又不能竊須臾之生以見堯舜禮樂之盛死矣命也夫寶祐中金華何子舉辨先生之學以無欲為宗浮雲行藏晝夜生死窮達常變漠無繫累非如世俗戀榮偷生眷而不化也左丞黨金陵者方金陵倡新法毒天

下薰心寵榮者無慮千百附和一詞比比皆然惟特士醇儒未可以氣力奪左丞所云云得無影響借重為新法厚自攀援耶毀墓求合罔世塞道罪又浮于臧倉矣

念菴羅洪先謁濂溪先生祠墓詩匡廬開曉霽懷古見芳襟溪水清堪沂林風靜自唸山如蓮乍發庭與草俱深此日生芻蕘還同執贄心

孫應鰲次韻地切名儒墓瞻依洽素襟水蘋成獨薦風葉自相唵廬阜高何極潯江信幾深卜居隣有道

灑掃亦吾心

栗樹嶺北諸水西北行為磨刀澗

大源山天花菴九峰菴

天花井山之西為大源山其下有馬尾水谷

山疏馬尾水谷其南通水規衝其東南通黃茅衝

馬尾水谷東南有天花菴谷西南有九峰菴馬尾水

山疏天花菴在天花井山西腋

馬尾水谷轉而西南行谷益邃水聲潺潺鳴深澗中

澗北峭壁如崇墉龍門山之背也

九峰者總龍門之墟山之尖峭者九也

九峰菴即馬尾水菴在龍門山南茂林中

馬尾水在九峰菴前大澗中

九峰菴水出谷與龍門之水會

興隆寺高峰

大源山西有僧舍曰興隆寺

郡志興隆寺即馬鞍寺宋紹定間僧質曇建後兵燬

至我明永樂間僧祖祥正統中都綱師益成化間僧

圓旺相繼脩

山疏馬鞍山在寺西

大源山西南有山曰高峰高峰西南有大壑曰龍門

山疏龍門者雙劍峰下之大谷也當谷口有大龍潭

徑路險仄攀緣而進其兩崖石皆奇峭

龍門壑東有僧舍曰龍門寺

山疏龍門寺在澗東山巔山陰高寒屋不可瓦

澗之西舊有下龍門寺初居者以其地為最吉未幾
輒火後數火無能久於其所者

避難衝在寺西南二三里元末兵亂時土人所保以
避兵處也有洞在絕壁亦昔人所嘗居洞傍有字刻
高不可辨

龍門之西為雙劍峰其下有劍峰菴

山疏雙劍峰宛宛正與九江郡治對其後山尤峻峭
然不及山南劍峰之勝

小天池在雙劍峰下深不盈尺其泉不竭

程史宋乾道中蜀人文立方來守九江謂曹翰攻江
州時實屠其民其後李成等寇亦嘗入鄂意皆雙劍

所致乃闢譙樓前地築為二城夾樓而轟其上謂之

匣劍曰匣寶藏劍

山疏禪智院對雙劍峰稍偏正對山之山外峰曰小
石榴峰劍峰菴在雙劍峰下菴甚盛其僧數百人後
燬今復剏小菴

雙劍之西北有太乙宮

山疏太乙宮卽祥符觀董奉僊人之道場也董奉事
具紫霄峰語中觀今廢

程史淳熙中周教授者家太乙觀前蓄健犬數十以
備盜既而被盜亟集里正視驗跡捕居三日始獲之
初盜得貲分塗而逸一盜夜行出蛇岡山渴甚心念

曩者嘗見道傍梅有繁實因登木取之為蛇傷其指
至侯溪指瘡甚不能去卧旅邸中主人責炊則出錢
銀無礎不可碎又出其囊珠主人念山谷無可售者
時德壽宮中貴人劉真廬石耳峰下因往求售真已
聞周氏盜意疑之即佯為欲得珠約先畀萬錢而續
歸其餘因使僕以珠馳示周氏信即捕之因以跡其
餘黨盡獲之問犬所以不吠蓋盜以豚蹄傳麻紵雜
草烏烹之投與犬食之犬無復聲者

鷄公石山圭壁峰圭壁菴錦繡峰錦繡菴蓮花峰
蓮化菴筋竹嶺朝陽菴筋竹菴
雙劍之西南有峻山曰雞公石山蓮花三峰之首也

山疏山椒有石如雞其味加於蓮花之巔曰雞公石
雞公石山東北為圭壁峰其下有圭壁菴

山疏圭壁峰或曰峭直而偃首如圭故曰圭壁或曰
其首穹窿如龜背故曰龜背峰

郡志圭壁菴在圭壁峰西正德間僧本聰脩
圭壁峰西南為錦繡峰其下有錦繡菴

山疏山蔥蒨如紆錦繡故名
風洞在錦繡峰北小山側高不滿尺常有風自內出
夏寒冬燠晴驕逼人

郡志錦繡菴在錦繡峰西
錦繡峰西南為蓮花峰其下有蓮花菴

山疏峰卽周元公所爲卜居者也數峰攢簇如蓮萼故名龍蕩岩在蓮峰之水口有石如船當山在行道謂之石船河

塘瘞壩在蓮花峰西北壩兩涯邃澗陡絕窄徑孤危郡志蓮花菴在蓮花峰下正德中僧大遷脩

山疏一統志九江府舊志並云董奉館在廬山第三嶺後岩下而不載嶺岩之名惟九江府新志乃曰董奉館在蓮花峰峰下今有杏林遺跡夫蓮花峰豈廬山第三嶺耶然太乙宮肇自祥符間則其說自宋已然意必別有所據故述之

九江新志以周顛天眼尊者徐道人分載三峰之下曰三僊蓋嘗脩煉於此也夫周顛之行履略似左慈然左慈動涉術數顛則真有僊者之逸致且其詞曰告太平意必天生至人預吐禎符以翊景運天眼尊者它無所見唯御碑僅載其名然已神異如寶誌之流皆非尋常兀坐一室事脩煉者居菴之說或得諸傳聞未盡實也

圭壁之東北爲筋竹嶺有僧舍二曰朝陽菴曰筋竹菴山疏筋竹嶺地夷敞多筋竹

江夏郭太史正域筋竹坪詩千盤轉盡千芙蓉到此坪林萬嶂從憑高閱盡人間世明日看山過別峰朝陽菴在筋竹嶺北

筋竹菴在朝陽菴北其山曰瘦馬嶺

馬尾水在筋竹菴前山上

三峰之下為蓮花洞

一山疏蓮花洞者三峰之墟是也四山壁立中豁而深
九江府新志蓮花洞門高丈許藤蘿交蔭晝日常黯
黯水泉冬夏不竭山疏今三峰之下無此洞不知所
指新志三峰之北有僊人岩山疏今三峰之墟並無
有穴竇可名岩者疑其因廬山記董奉所居之上有
僊人岩而誤也

三峰之水西北行逕花山過新橋為濂溪港

一山疏水口崖曰龍蕩崖有石如船當水所行道謂之

石船其澗即謂之石船河

揆雲峰半雲菴清虛菴花山雲溪寺

三峰之北有峰曰揆雲峰其北有半雲菴

一山疏揆雲峰在蓮花峰北

半雲菴在揆雲峰北山坳中所處高其左有路可至

蓮花峰上

又北有清虛菴有泉曰神泉

郡志清虛菴即舊清虛觀宋皇甫真人之居也後兵

燬我皇明僧道本重建覺海行安繼脩

真僊通鑑皇甫坦字履道臨淄人也後避地入蜀居

峨嵋山嘗暮行風雪中聞人有呼之者顧見一道人

卧小菴中因留與抵足眠坦自覺熱氣自兩足入蒸
蒸淡體甚和適比曉道人去曰他日可訪我于靈泉
觀坦後往靈泉求之始知所遇者妙通真人朱桃椎
也其後復與妙通會酒肆中盡得坎離虛實之旨內
外二丹之祕常冥坐不寐其兩足外踝皆平偃頂有
珠光嘗歌曰山頭紅日出藥苗新欲將心事付瑤琴
知音少絃斷有誰聽紹興中顯仁太后患目醫國醫
不能瘳太后夢黃衣道士髯而長耳自言能治目翌
日高宗詔有司物色之時先生方南遊自稱目醫臨
安守張俛廉得之以名聞詔入見慈寧殿坦為噓呵
布氣目即愈醫脫瞭然矣又詔療僊韶甄孃篋亦即

愈辭還山兩宮賜賚甚厚皆不受受香茶衣服留一
扇曰內人病寒熱者扇之當差高宗因使贊御香禱
青城山丈人觀還過妙通舊隱因請建觀宇且為讚
其像其後宮人果病瘧扇之皆愈

宋史坦夾江人工醫術善相人嘗療顯仁太后目
朝野遺記紹興間和議成顯仁后將南還欽宗挽其
輪而泣曰第與吾同歸得為太乙宮主足矣后泣然
與之誓曰吾苟歸所不迎汝而南者當盲吾目既至
高宗無迎淵聖意后為之憮然俄而其目果盲有道
士應募入以金針撥其左目醫即脫瞭然矣后大喜
復使治右目道士笑曰后以一目視足矣以一目存

誓可也后惕然起拜曰吾師聖人也能知吾隱欲留而厚報之道士不可漫曰得脩靈泉縣朱僊觀足矣忽不見於是詔成都帥王剛中脩朱僊觀並以朱僊真圖進視之宛然療目道士也

通鑑坦既還山賜詔曰先生清標孤映寄迹物外糠粃塵俗笑詠烟霞信可樂也去秋為別俯仰周歲遂無心于事秋涼甚邇不知何日可相見願早踐言御風冷然無難行矣湘雲橫席桂子吹香燕館超然下風問道虛懷結想久矣專此為問殘暑在席益保清虛坦應詔至賜紫衣絲履御書黃庭道德陰符經復辭還山詔築室廬阜以便往召兩宮賜金為築室費

不受賜御書清虛菴額詔繪坦像御贊之既內禪又召見康壽殿館西湖顯應觀西齋堂曹勛為館伴兩府宣問賜沉香二百兩御畫芝草扇御書贊乾道改元坦遊武當至襄陽有詔追還賜御書靈寶度人經壽聖皇后所書清淨經乾道三年復命持香往禱嵩山廬阜青城前後凡四赴召自青城還遂不出德壽歲時遺問不絕屢詔不赴淳熙五年秋九月坐逝初靖康之難曹勛自燕以徽廟御札還至河上無舟與一道士縛蓆為筏以濟既濟僵且死道士然蓆燎之甦問其姓名不告惟曰朱真人以公為社稷計故使濟公後三十年當見公于錢塘及坦應詔至勛見

而識之與話舊感泣再拜贈詞德壽聞之故宣問迎
勞館伴必以勛焉吉甫曰米真人心公孫林遊信姑
蘇州欽道僧時亦赴詔入見德壽惟長揖不拜見坦
卽拜賜之坐辭問之曰僊階有高卑真人在故不敢
坐強之坐則坐於地不快幸熙正平好火民坐
宋史湖南帥李道雅敬坦坦歲歲往謁道道聞其善
相人也出諸女使相之坦見其中女大驚不受拜曰
是他日且為天下母旣乃言於高宗為皇太孫納之
卽光宗后李氏也性妬悍嘗訴嘉王左右於光堯光
堯大怒曰皇甫坦誤我

山疏初清虛觀成道流咸集苦水遠坦使人荷鋤斲

菴側地應手泉湧德壽聞為大書神泉二字賜之坦
歸鑄之石壁亭于其上曰神泉今廢字亦不知所在
張孝祥清虛觀詩石側疑無路山回別有天神泉通
玉海帝畫麗奎躔紫闥雖重到青瑤却未鑄只須香
案吏為寫白雲篇

撥雲峰又北為花山其下有雲溪寺

山疏花山者蛇岡嶺之首也崑崙不奇勝

郡志雲溪寺在花山南麓永樂間僧了空建嘉靖中

僧圓鏡脩

雲溪之僧曰智瑛禪師

山疏僧智瑛上元縣人正統初任雲溪寺因號雲溪

初行頭陀行爲諸僧負薪米力作已而有所悟生平
不識文字晚乃能詩廬山自天眼後得佛宗旨者惟
智瑛云

初智瑛語其徒曰某月日吾當逝逝必有風雷之警
既近期又預報廬山諸菴主使來集及期諸菴主集
天朗霽無纖雲咸疑其言不售幾罷去既午有片雲
起西北瑛乃沐浴具威儀禮佛退與諸菴主別已而
疾風震雷掣茅墮瓦風疾旋自上下轉入空際東南
逝視瑛已僊化矣

桑喬生曰九江新志云雲溪寺在石鏡峰下又云石鏡
峰在廬山北形如圓鏡光彩高明但不的言其處三峰
左右與廬山之北皆無有峰可名石鏡者而廬山圖又
繪爲圓石置諸雙劍之間曰此石鏡也然雙劍之巔亦
無此石不識何也

廬山紀事卷九

石山為地勢之

其北石山

石山者地勢之周曰石山其地勢之險峻也石山圖又



